



E. H. n. 9.



4-24-3-



Henrici Abbatis Antonij
HENRICI LVDOVICI
CASTANÆI DE LA
ROCHEPOZAY
Pictauorum Episcopi

DISSERTATIONES
ETHICO-POLITICÆ.



PICTAVII,

Apud Viduam ANTONII MESNIER,
Regis & Academiæ Typographi.

M. DC. XXV.






LECTORI.



*V*SI *MVS* hac olim dum ci-
uiliū moruū aestibus exagita-
tis ad grauioris commentationis
studia animum aduertere non
dabatur, quòd si operam in ieiuno isto argu-
mento luserimus, una pusilluli libri contra-
ctiōe errationem meam solabor, quæ tempo-
ris perperam aut inaniter certè contriti bre-
uitatem arguit.



DISSSERTATIONES ETHICO-POLITICÆ.

CAP. I.

VANITVDINIS ET KENO- *δοξίας penuriâ ambitionem creari.*



VM inordinatus dignita-
tum ambitus regnorum
euerfor, idémque animorú
immanissimus tortor, ab
atræ bilis hypocondrijs infidente mor-
bo (qui inuerso ordine non contrarijs
vt cæteri, sed morigeris modis ac ratio-
nibus curatur) haud procul absit, eiuf-
dem notæ medicamenta in vtracunque
inualetudine statuere maximè admo-
dum consonum est. Quemadmodum
autem cuilibet melancholica laboran-

tium phrenesi, ad faniolem mentem
sensim reuocandam libentissimis ani-
mis concordamus: sic cum ambitiosis
meritorum suorum erga rempublicam
institutoribus, qui frivolis astupent titu-
lis, quod summissiora vota meditentur,
& multum citra debitum ipsis ornamē-
tum consistant, vehementius exostu-
landum est, ut agnitā natalis originis,
quę Deum etiam Optimum Maximum
parentem ultimum refert, præstantiā,
contemptu humiliter fastuoso cuncta
quæ intra cœlorum cardinem conclu-
sa sunt viliora seipsis, & longè infra eo-
rum fastigium utpote peritura depu-
tent: hac etenim viā insanabili fermē
mentium depravationi consuli posse
suspicio, ut iamiam planius insequen-
ti sermone constabit. Atque ut erroris
istius deterrimi ac vitij peruagatissimi
scatebram in nugatorijs animis iugiter
emicantem retegam; non alia certè cē-
senda est, quàm quod perblāda illa for-

tunæ melioris, vt vocitant, commenta
 furenter expetimus ob aliquam præ-
 stantiam (virtutis quippè honor præ-
 mium est) quam penes nos esse remur,
 aut saltem cæteris persuasum esse volu-
 mus, & quia pluris putamus ea, nobis-
 metipsis: quasi ex eorum inani fulgore,
 cæculorum oculos duntaxat perstrin-
 gente, eximia humanæ genti claritudi-
 nis fiat accessio. Sed hac certè ratione
 in statuendo nobilitatis nostræ pretio
 quotquot sumus omnes extra modum
 hallucinamur. Nam præterquam quòd
tota rerum natura umbra est, aut inanis, aut *Senec.*
fallax, ac perquam exilia sunt terrena *ep. 89.*
 omnia, quorum elapsa pars evanuit, im-
 pendens ac casura haud dum extat, &
 quæ in manibus est, indiuiduæ rationis
 suæ lege, dicto citius, quàmque vt sensi-
 bus percipi queat, acri incitatione præ-
 teruolat: quidnam quæso immortalis
 animæ, depressioris ordinis ideóque
 languidioris energiæ res quibus non

ingenita, sed ex enormi erubescendâque abiectione nostra, ieiuna quædam & ascita commendatio inest, conferre valent aut apponere? vilia quippè sunt

Quintil. 12. cap. 7. & hoc ipso videri possunt quòd pretium habent non solum hoc aspero sæculo, quo magno mercantur, verùm etiam iam

Senec. 2. de beneficiis. cap. i. inde antiquitùs, cùm plerique semper ad sublimia reipublicæ munera malis artibus, deformi obsequiò, aut saltem supplicibus verbis, quæ non parui du-

cenda sunt, cùm nulla res carius constet quàm quæ precibus emptæ est, gradum sibi fecerint. Cùm verò finiti & dimensi ad interminatum & immensum nulla sit comparatio, ideo quæ modicis circumscripta limitibus & modulis, (cuiusmodi sunt res omnes humanæ licet primigenius nitor singulis adhærescat,) animi cœlo oriundi, cui inexhausto vigore innumera præcipere, effingere ac transformare peculiariter tributum est, captum ægrè pascere aut permulcere,
nedum

nedum explere possunt. Quòd si occurras , præmij humanæ amplitudini rependendi portionem aliquam , corpori quoque cuius concursione totû hoc hominis conflatur , assignandam , haud equidem abnuerim , dummodò ad magnanimitatis & frugalitatis præceptiones tuendas , quousque patitur decor , eidem inseruiamus , ne transuersis tramitibus aut transultibus probrosis illius honestamenta petamus : quâuis reuera animæ vim , ferè totius , vel ipso partis nomine obtinentis , ac percussu potentissimo confociatum corpus illustrantis ratio potissimum habenda sit. Illi enim dum corporeæ molis circumfusa est crassitudine , non caduca & mobilia insignia , sed purissima , quæ non immarcescant , naturæque suæ illimi congruentia , quantum in nobis situm est perpetim concilianda sunt ; vt simul ac ei organis omnibus expeditæ illinc euolare contigerit , ad

æthereas sedes incundas paratior reperiatur. Instabis forsan, illam penitus nobis insitam innotescendi appetitionem, cui etiam circumspecto iudicio præditi nonnunquam indulgent, ferendam esse; tum quia æuum per opacamemetiri caliginē probrosum quodammodo censetur; tum quòd eius quæ integra & perfecta ratione utitur rei decus & ornamentum commendationis famæ celebritatem necessario efflagitat. Verùm hoc itidem effugium neutiquam graue erit intercludere, cū habeat ubi se in priuato lare explicet magnus animus, & absoluta suis numeris humana ratio; notitiam sui & cæterarum rerum sibi cohærentem, non autem exoticam aliorum de se tantummodò desideret. Siquidem cuiusuis rei accurata ratio præcipuè à fine, finisque ingeni amplexu spectatur, vnde cognosci aut magnipēdi ab vniuerso mortalium cœtu, ad generis nostri cōple-


Senec.
de trāq
animi
cap. 3.

Arist.
4. Eth.
3.

mentum nullo pacto profutura sunt: quandoquidem nostrapte duntaxat culpâ vel pietate, designato nobis cœlesti domicilio excidimus aut muneramur. Indidem quoque suboritur magnanimorum de vulgari existimatione non magnoperè laborantium, in detrectando virtutum suarum præconio animosa dedignatio. Qui enim nihil magnum toto terrarum ambitu extra vnum animum Deo soli inhærentem, granditatem honoris cuiuslibet mundanę rei nausæantem, & veluti proculcantem circuncludi probè sentiūt, quanti euanidum vocis iactum, & infulsę garrulitatis stridulum tinnimentum pendere possunt aut debent? No-

*Arist
ubi
supra.*

tutum velut ornamentum quoddam
supremæ expolitionis sit, eiusque be-
neficio terrene spernaces gloriæ repu-
diatis alto vultu honoribus longè cō-
spectiùs quàm delatis & in sinum ad-
missis inclarescant. Quapropter cum
propriæ dignitatis inscitia, cui persola
literarum tractatio subuétura est, om-
nes propemodùm gentium orbis in-
colas transuersos rapiat, & à retentan-
do officij decoro per plurimùm detor-
queat; nihil magis Principibus ad labo-
randum est, quàm vt gymnasia cuius-
libet ordinis instituendis adolescenti-
bus extruant, locupletent, foueant:
• nulla enim in re affluentius munificen-
tia refert gratiam, & inani illi, & vagā-
ti per externa ambitioni solida & hæ-
rente in animi bonis ambitione sub-
uenitur.



CAP. II.

EXTRARIOS HONORES

*Et aduentitios, etiam ab appetentio-
ribus famæ prorsus omnino
perdespuendos.*



IRTUTIS vsque adeo no-
bis infidet inenarrabilis nobili-
tas, vt qui magis eius destituti
sunt præsidio, ad exteriores illiusmet
titulos obrepere contentiùs enitan-
tur: hac enim speciosa instrati personâ
destinatas serijs recti cultoribus fru-
ges demetere subdolè commeditâtur:
quamuis nunquam salebrosum virtu-
tis iter nisi auersis forsan vestigijs ex
mendoso hominum more carpsent.
Sed vbi ærumnosis ac teterrimis obse-
quiis ad deciduæ decus aliquod glorie
euecti, ostro coruscante sibi intempe-
rantiùs plaudunt, ac si lepido quodam

ludibrio imperitum vulgus deludificati essent, acutulorum sensu, quibus larvata hæc pectora non sunt imper-spicua, perfacile deprehenditur, eos omnino germana quam profitentur claritate defectos esse, & sub eius umbra tantummodò, velut infra commodatitium operimentum, parum pudenter delitescere. Vnde ni omnibus ferè, iuxta priscorum Rhetorum eminentissimi nimio perè hætenus quotidiano usu comprobatum documentum solenne, illud vitium penetraliùs inhæ-

Quin- resceret, ut quo quisque minùs valet, hoc
sil. 2. *se magis attollere & dilatare conetur,* quan-
cap. 3. *tâ maximâ fieri posset navitate rei, ip-*
 sius, solidæ veritati potius quàm simulachro vacandum esset, eo potissimû consilio, ut animi serenitatem supra fortunas omnes amplissimas concupiscendam, limite compendiario nancisceremur, & ignominiosam simulationis notâ procul à nobis amoveremus.

Pessimè namque dissimulantia atque
illiberaliter apud omnes audit, eius-
que ferè semper infortunatus est exi-
tus, præterquam quòd *cùm multa adso-* *Linus*
leat veritas præbere vestigia sui, & nemo pos- *lib. 40.*
sit personam diù ferre, nullus eorum qui *Senec.*
aspectui tantum consulunt, adeò sui *1. de cle-*
obtegens est, vt si tātulūm subinanio- *ment.*
re gloriola introrsum titilletur, indu- *cap. 1.*
ctis sibi pigmentis extrinsecus aut co-
loribus, inambitosus habeatur: puro
quippe virtutis nitori nunquam infu-
cata quantumuis morum vitiositas, ob-
diuiduum illorum contubernium cō-
color euasura est. Vt autem quod ex-
orsus sum celerius aliquantò detexam,
duo assignari honorum genera vulga-
re est. Vnum quidem eorum quos re-
gum nobis indulgentia ex supremæ
potestatis amplitudine profusissimè
dilargitur: alterum verò præstantioris
notæ, illorum videlicet è numero qui
ex sēlis, secretioribusq; recessibus ani-

mosæ & erectæ circa verum decus mētis emanantes, virilis roboris ac fortitudinis genuini, & velut peculiare natiui soli fructus censentur. Intér quos hoc maximè interest, quòd priores pedissequis nostris æquè ac nobis, pro summato libito, nullo nostro merito intercedente contingere possunt, extrarii que quodammodò & aduentitij apposita nomenclatione nuncupantur. In posterioribus contra est, cum ita ex nobis pendeant, vt quotquot magnatum & humiliorum capita orbis terrarum capit, generosi facinorosi viro meticuloso aut inaudaci cogitatum indere non valcant: ideóque nostratis huiusce claritudinis ex proprijs facultatum animæ nostrę fontibus depromptæ minima stilla, immenso alienæ illius & nonnunquam aucupio vituperabili à potentioribus emendicatæ pelago anteponenda est, (condonabit, ni fallor, aquatilem istam similitudinem


dinem vel inuenustè fortè prolatam non inuenustus lector, vbi me non solum abstemium, sed & abstemio parente prognatum esse intellexerit.) Quia itidem ratione ornamentorum nobis à Regibus, sub quorum nutu vitam degimus, impertitorum, excelsius semper quàm ab externis acceptorum, creditur fastigium; tum quia peregrina huiusmodi munera vt minimum integræ subditorum fidei labem aliquam aspergunt; tum etiam quòd egregiè factorum præmia vbiuis gentium, domestica certiùs trutinâ quàm peregrina exiguntur. Insuper animam corpore, corpus fortunis pluris facimus, & sic gradatim de cæteris, prout nobis coniunctiora sunt: quoniam quæ nos proximius tangunt, eò magis ad nostræ commodæ naturæ (cui innato instinctu primæ charitatis partes ab omnibus deferuntur) videntur accedere; nobisque propterea chariora sunt. Ex his colligi-

itur, frustra siticulosos gloriæ foris nūquam remissa consecratione conquirere, quæ singulis hominibus prouidentissimè vniuersitatis rerum procuratrix natura inseuerit, cum oblatarum dignitatum & diuitiarum, aut tremendi in quo strenuè se gerant periculi aspernatione, honoratioris claritatis productiores (vt sic loquar) tractus trahendi, animosq; suos propria virtute beatos extra desiderium omnium collocandi, largissima ipsis copia sit. Habet enim mens nostra reconditum apud se temporariæ fœlicitatis, quâ ad sempiternam calle angusto itur, nobile seminarium, cuius tanta fœcunditas inter commentandum agnoscitur, vt quotquot illo ad omnia, quæ intercurrent in hoc vitæ fluctuantis turbine, philosophorum more aptè ornatèque vtuntur, nullius operâ vel subsidio ad fortunatè viuendum indigeant. Quæ cum ita se habeant, quid istuc tam mirû est

si perrarò sapientibus fortuna vultu benigno blanditur? stolidorum scilicet duntaxat futilis est mercedula, quâ superna & congrua providentiæ quibuslibet aduigilantis hominibus lege, viles animæ in paucos & fugaces dies exatiantur, ne omnium animi velut infortuniorum compotes legitimæ conquestionis voces effundant. Quo etiam planè modo, corpore deformatos homines, natura nunquam nouerca, ingenij acumine & dicendi venere, vltra vsitatum ordinem ad staturæ damna refarcienda, semper aut plerunque remunerat.



C ij



CAP. III.

OMNIVM RERV M

*obtentum, præterquàm debiti officij
longissimè ab humanis actionibus
esse relegandum.*



NEPTIVNT seu deli-
rant potiùs haud mediocri-
ter, qui directam iusti offi-
cij deferentes viam, anfra-
ctuosis humanarum rationum ferun-
tur sinistrorsum callibus, vt ornamen-
ta fortuita, & alia vilioris notæ com-
moda sibi copiosius applicent, quæ ne-
mo vnquam invulneratæ mentis fordi-
dis artibus adipiscenda duxerit. Ad hæc
namque siue directum siue obliquum
teneamus iter, cæco quodam magis ca-
su (si fas dixisse) quàm vllò nostro meri-
to, aut assiduo venatu peruehimur. Vt
autem quot, & quàm inexuperabiles

obices anhelantibus in huiusce incoëptionis progressu remoram faciât, multò magis eluceat, ex his quæ non raro probi quique experiuntur, argumentû ducere mihi destinatû est. Si quis enim exempli gratiâ, non misella terrenæ remunerationis expectatione, sed pio synceræ mentis feruore concitatus, luculentum aliquod facinus Reipublicæ etiam insuper saluberrimum, ad secundos exitus per medias circumstrepentiû hostium flammæ miro labore perduxerit, illicò sanè pro reponendi beneficij vice immane plurimorum odium & rabiosam inuidiam sibi conflabit, primùm quidem æqualium, deinde imparium & inferiorum, qui inepta æmulatione, maturiùs illum propterea ad dignitates quibus acriter inhiant, promouendum esse suspicabuntur: demû virtutis osorû atque integritatis, quorum condensa cohors marinæ, nec non fluuiatilis arenæ promiscuè congloba-



tæ innumerabilitatē exuperat : postremoque prædonum cuiusvis ordinis, egentium ob nimium luxum, obælatorum & maleficijs infamiū, quibus provinciarum quietem turbari, omniāque nouari maximo semper fuit vsui. Qui quidem vniuersi huc & illuc passim cōcordissimo concentu, præclarum illud factum scurrilibus facetijs ad astātium rictum multa cachinnatione distendendum appositis, certatim ex sua quisque facultate extenuabunt, & peruersa colubrini ingenij interpretatione, quæ nunquam non pronis auribus accipitur, contumeliosè discerpent. Veruntamen ista se confertissima emergentium vndique nugarum congerie, quā mundanæ cogitationes miserabiliter obteruntur, & velut à stirpe conuelluntur, ludibūdus extricabit, quisquis sanctas veri officij leges sigillatim euoluendo, immensum eius pondus animi sui sensibus fideliter commendauerit,

atque itidem inculcauerit. Discussa quippe popularis ignorationis opaca nube, singulos actus suos ita ad immobilem recti normam aptandos esse intelliget, ut periculosam quamcunque aleam vulgi rumusculis, summatum minacijs, ac terriculis pariter neglectis, adire nunquam hæsitet, cum quolibet personarum delectu remoto, nequaquã ei quibus aduersetur, sed cui deferuire sanctione diuina teneatur spectandum aut curandum sit. Quòd si fortè grassantium dissidiorum ancipiti & periculosa concertationi illum inemori contingerit, nihil est quòd tantoperè cœlestis tribunal fori tanquam inhumanum expauescat, quandoquidem nullus illuc præfractionis & abscissionis iustitiæ vsus, cuius tamen mitigatæ austeritati quotquot munus suum religiosè curando mortem oppetunt, multò minùs obnoxii sunt. Transeo nunc ad vitrea mortalis huius cui præmia, quorum spe

fallacissima non ferè nemo veluti vitalis auræ ventulo immoderatè pascitur: eiúsque inanitati manifestariæ
Senec. ep. 81. primo accessu objecerim, *Senec. ep. 97.* rectè facti, fecisse, mercedem esse, sicut & sceleris in scelere supplicium esse traditur: quod quidem adeò verum est, vt qui aliter sentiunt, insignem ipsissimæ virtuti (cuius rectè facta furculi sunt) iniuriã irrogare videantur; tum quia suomet decore cumulata nullius rei indiga est; tum etiam quòd cùm cœlo oriunda sit, vnde deorsum in terras ad humanam gentem exornandam Dei beneficiã deuolauit, nihil prorsus meditatur abiectum, & vno patriæ sedis desiderio perquàm acriter tangitur. Præterea cū valdè pauci, si qui sunt, absque aliquo capitis discrimine vel cruoris, multa exquisitæ fortitudinis ad Dynastarum fauorem eliciendum facinora in hunc diem ediderint; quisnam, quæso, peccat de paulò ingeniosior, cassa tantulæ gratiæ

tię ductus ratione , præcaram tantique putandam vitæ mercem, quæ nusquam gentium pretio prostat , ambiguae casuum forti aleæque temerè permittet? etenim quantavis laborum suorum & angustiarum præmia laturus sit , plurimum ab aditis & fortunata sorte declinatis distabunt periculis , nec vnquam alia alijs comparata ad perfectæ amissis legem vlllo tempore sibi inmutuò respōdebunt. Quòd si infesto ferro in ipso opere transfuerberatus spiritum efflauerit, exinde nihil illi cunctæ terrarum opes atque dignitates proderunt , quas pluris fecisse quàm vitam visus est , dū temporaneę mercedis , & fluxæ dignitatis intuitu vitam cum morte, imò cū moritura mercede tanta cæcitate commutauit. Illud etiam nequaquam prætereundum est , candorem illustrium factorum & nitorem eorundem remuneratione nigrescere atque propemodum obtenebrari, qui in dies constanti

D

regiorum donorum repulsa aliquantò
validiùs inalbescit , & quodammodò
renouatur. Nec defunt, qui eadem quo-
que ratione gestorum delibatum meri-
tum, ac memoriam sensim aboleri pro-
babili coniecturâ asseuerât: sicut & per-
soluto semel operarijs diurna mercede
conductis pactiois pretio , quælibet
sudorum antecedentium obliteratur
æstimatio, & omnis deinceps extingui-
tur mentio. Quibus patefactis non ma-
gnoperè mirandum est, si nonnulli ge-
nerosioris & minimè forensis & vena-
lis animi, fastidita exsudatorum labo-
rum compensatione , cuius spem vni-
uersam diuinæ benignitati delegaue-
runt, sua se gratuita virtute & probita-
te inuoluunt & metiuntur , atque in-
clyti facinoris vel tantulam partem va-
stissimo regno sapienter anteferunt.
Nempè non eis principatum ambitus
cura est, nec insatiabilis magnificè cla-
rescendi in populo libidinis ardore

torrentur, optimèque norunt debitis honoribus excludi longè honorificentius esse, quàm illorum incremèto præter æquum & meritum insigniter adaugeri. Sed vt instem argumento, & qua reges à subditis veneratione colendi sint, conciso verborû ambitu circumplectar, is nobis animi habitus qui iustam in loco re urgente suggerat obedientiam, planissimè comparandus est; vt eo instructi, quæcunque priuatis nostris rationibus ab illorum throno commodè vel incommodè ceciderint, placidâ mente sustineamus, nec vllò vnquam gratiæ vel intolerandæ quantûvis offensionis intercurso, debitum intermittamus officium. Hoc qui sedulò curauerit, nullam ex rerum euëtis molestiam vnicè securus hauriet, ferinos calumniatorum laniatus perinde habebit, ac si seriæ commendationis vim & gratiam experiretur. Quòd si casu non insolito, steriles magnates de quibus

optimè meritis est, ingratis illum modis aut indignis acceperint, tunc nata testandæ non parùm constantiæ opportunitate bellissima, in summum se expetendæ magnanimis gloriæ culmen euasisse, lætabundus arbitrabitur.



CAP. IV.

ERVMPENTES TVMVLTVS
armis non vsquequaque comprimendos.



V Millis ipsis quib' constant & coalescūt, foueantur singula vt plurimùm & perennent, imperiâque ferè omnia armis sua primordia accepta ferant, quælibet regiæ potestati altrinsecùs, quocunque demùm obtentu fiant, repugnantia, ferro itidē toto pectore propellere, rationi minimè dissentaneum videretur. Sed si vs-

Teren. *piam omnia priùs ex Comici sententia*
Eudin. *experiri quàm armis sapientem decet, quo-*

niam nimirum vltra extrema, quæ defugere tutissimum est, non datur progredi, id apprimè in vrgentibus defectionum angustijs accurare conuenit, maximè si Principis ætatulâ incolarum-ve euolaticorum perfidiâ regnum laboret, exitiosissimisque hæresum vel partium pestibus diuexetur. Cùm enim nil bello grauius aut funestius queat mortalibus contingere, obices illi molliores, non repagula vt torrentibus, non terricula vt nubibus erupturis, vnde vnde obiectare astu, donis, dolis bonis, blandimentisque, quò procul faceffat necessum est, administratorumque etiam obstrepente confessu, emutanda poti⁹ & eroganda nonnulla ad alienam libidinem, donec rebellantium impetus refederit, vt Regis sarta teçta quodammodo retentetur auctoritas, quæ pubescentibus eius annis progressu compari assimiliter adolescat. Quòd si mente eadem turbulentis perstante nihil pro-

cedat, & quę præpotentibus illecebris factio consanuisse debuerat, truculentius recrudesce videatur, Principis deinceps multum interfuerit (quando sine eius peccato fit) vel cum prouinciarum periculo, de iure suo imperioque legitimo cum peruicacibus ferali prælio dimicare, atque adco omnes machinas commoliri, nimbus vt ille tumultuosus quàm ocysimè præteruolet. Huiusmodi autem non rarò ciuiliū tumultuationum exitus esse consuevit: vt enim acriora sunt gentiliū odia, & strictius agglutinata, citiori molimine diffiliunt; ita si minùs inter indigenas eiusdémve ditionis incolas, inter quos indiuidua solet esse necessitudo, conueniat, flagrantius exæstuant. Quæ enim maximè adunari & cogi par est, oborto vtcunque diffidio eò ampliùs dissident. Vltimi verò huius discriminis cunctabunda protractio fontium subinde infamiam, regis-

que auget potentiam, cum sæpè despe-
cta lætiùs fruticetur clemētia, qua præ-
currente assequi Rex voluit quod per
vim & properam violētiam extorque-
re potuisset; quod quatenùs proroge-
tur, & aduersus quos rebelles, cum alijs
alijs authoritati Regiæ & Principatui
summo infensiores sint, sola Regis,
eiusque secretioris confessus perspicie-
tia sedulò discreuerit. Principem hoc
loco submonere inter mōmentosa est,
vt omnium contentione neruorum
difflociandis rebellibus vim suam im-
pendat, eisque (penitissimis quantum-
uis angatur præcordijs) quæ satis deco-
rè dilargiri potest, & ipsi adipisci ge-
stiunt sine mora concedat: iniuriosius
namque expressa, vbi collibuerit forti,
& omnia ei fuerint rebus sedatis solu-
tissima, mero iure ad irritum sine vin-
dicationis fideique libatæ crimine re-
labi patietur: vt hoc præsertim infau-
sto successu, à cuius scelere ipse aberit,

qui seditionem posthac affectarint du-
riores pœnas dependere, ampliùs ali-
quanto reformident.



CAP V.

GALLICANOS TVMVLTVS

illiteratæ & incultæ nobilitatis vitio

& operâ præcipuè concitari.



VNQVAM certè pluri-
morum equestris lucidum
decus ordinis conspurcan-
tium mendosos mores eiuf-
dem & ipse ordinis detegerem, nisi no-
uissimis affatim prorsus reuicta essent
tumultuationibus, quæ modò ex veri-
tate rerum necesse habeo effundere.
Quis enim tacitus ferat perturbatricẽ
regnorum hæresim, horum socordiã
Dei Ecclesiam & Gallias perpopulariẽ
sacras ædes vixdum pagatim à proxi-
ma excisione instauratas denuò incen-
di?

di ? augustissimūque Eucharistiæ Sacramentum, ne quid inuiolatum sit, pedibus in eorum etiam qui se Catholicos profitentur oculis obteri? quod sæpe nimium à decennio non sine horrore audiuius. Quocirca dicam confidentissimè, nobiles malè à puero institutos Gallijs perpetim funestas calamitates inuehere, cū in id redacti sint inscitia, vt quid Deo, Regi, patriæ, sibi que debeant nihil planè intelligant, ideóque licentiozem ab incunabulis traducentes vitam, tyrannicæ inhumanitatis suæ in cædenda primū famulorum turbâ tyrocinia ponunt, donec confirmata ætate membris valentes, rusticani generis viros, qui vicos castellis eorum circuncinctos accolunt, beluina feritate ob leue dictum, aut delictum, vsque ad animæ deliquiū diuerberent. Mox in luxum quemcunque effusi, atque ære alieno demersi, rapinis dedecorosis prædabundi victitant,

E

nullisque quorumvis rebellantium in-
ceptis non se præbent socios. Quin &
in spem collocupletandi se suffragante
temporum perturbatione vocati, im-
potenti adeò cupidine alienis fortunis
inhiant, vt illis vno turpis lucri nomi-
ne, etiam ad internecionem vsque, si
casus ferat, effusis habenis in patrios la-
res desæuire debaccharique certum sit,
Ducique tumultuario sceleratioribus
magis obsequenti (cùm, rebus quantu-
luncunque conturbatis, despectissimo
cuique commilitonum caloni aut se-
milixæ mos omninò gerendus sit) li-
bentiùs sese credant. Illa verò deriden-
da est inertia, quâ velut spectabili vir-
tutis opere delectantur, cùm primâ li-
terarum elementa, rei familiaris ratio-
nem, seruitiorum & equorum suorum
numerum ignorare se palàm iactitant :
adeoque supinioribus illepidæ istæ de-
licię cordi sunt, vt aliquid ritè exerce-
re, aptè exequi religioni habeant.

Vnde distorto gestu de industria frequenter veteris profapia viros per vrbium plateas perequitare videmus, quasi fuscina caballo iniectione illic fortuito haberent, eosque mirum in modum iuuat hæc incuria. Parum etiam abest, quin & vigilantes, comedentes, ambulantes, num somno experrecti sint, genuinum agitent, gradum ferant, necne dubitare se simulent; quasi verò ignominiosum illis foret intelligere quod faciant. Minimè igitur mirum est si nobiles ita morati, nouatorum partibus iam olim adhærendo, exorietem quæ nunc grassatur hæresim, ceu furialibus stimulis agitati, infano conatu stabiliierint, & hoc etiam tempore refoucant, cum impendiosilurcones qui ingenti fœnore penè præfocantur, ludere prælia, bellique prolatandi rationes exquirere soleant, quo diutiùs creditæ ac conductæ pecuniæ solutionem effugiant, & nefarijs latrocinijs, quibus extra modum læ-


tatur, indulgeant. Quamuis autem plurimum defectuum memoria, annalium nostrorum voluminibus ad euocandum in legentium genas ruborem, satis superque consignata sit; illud tamen usu nimio nunc liquefcit, multò crebriores rebelliones extitisse, ex quo noua hæc Sacramentariorum monstra in communem perniciem nouit & admisit Gallia, quæ protinùs operæ fidelis erga Regem oblita prouincia rebellatrix euasit, tantòque furoris impij deflagrauit incendio, vt morbum quendam infidelitatis omnes ferè incolarum mentes inuasisse non absurdè diceres. Ex illo namque tempore nihil sancti apud nos fuit, quod verbis arguere omninò superuacaneum est, cum perfidi & proditoris crimen à gentis nostræ principijs execrabile, affixam sibi turpitudinis labem non solum prauitatis assuetudine deposuerit ac excusserit, sed etiam quodammodò videatur esse in

pretio. Taceo de diritate in res sacras, quæ nullis templis indeiectis vbicunque potestas data est, ipsos etiam Sacerdotes immisericorditer excarnificatos prætruncatis membris abnecauit: vt obiter indicem barbaram singularis certaminis immanitatem, quæ fundatissimas familias excindens, regni fundamenta subruit, eidem quoque detestandæ Sectæ vitiositatum omnium atrici, & quæ primitium torrem tantæ incensionis atque inhumanitatis patriæ nostræ intulit, incrementa sua debere. Et si enim maioribus nostris non inusitata fuit hæc alternâ pereundi manu sanguinaria fatuitas, toto tamen sæculo bis terve (vt multùm) inter se huiusmodi carnificinam exercebant, cui nunc vix dies sufficiunt, cùm animis hæresi obbrutescentibus, vbique in singulas horas prouinciæ cæde mutua cruententur. Denique cùm radix cunctorum criminum superbia, irreligiosis

fectis arctissimè tãquam indiuulsa qualitas conglutinata sit, quisnam dissidiorum ciuilium crebritatem recentium Pseudeuangelicorum doctrinæ & prauitati peculiari nomine ascribendam esse diffitebitur & negauerit? Nam si ex perduellibus & illiteratissimis illis nobilibus, quibus nihil inquinatiùs & inscitiùs est, causam tam vsitati rebellij curiosè sciscitaberis, hæc tantùm sceleribus suis tegumenta prætendent, non ex æquo se laborum suorum à Rege præmia esse consecutos, nec meritorum hoc tempore rationem vllam haberi: quæ quidem effrænis animi & linguæ intemperix ab arrogantia proficiscuntur, cuius acriùs viguère vires, simul atque certissima hæc animarum lues Luthero-Caluinistica Gallijs incubuit. Quàm verò intoleranda sit huius responsionis, quæ vappam potius quàm patricium decuerit, impudens amētia, ipsæmet animaduertent mentes que-

rura, si impigrè quæ agrestiores & plû-
 beos non fugerent homines qua valent
 mentis acie inspectare voluerint. Res
 enim decoræ & honestę quantiuit sunt
 pretij, rectęque facti pacata meditatio
 inconditas istas remunerationis auidi-
 tates & spes improbas excutit ; cùm &
 præmijs euocari puerile sit, quæ gene-
 rosarum actionum gloriam deflorent
 & infringunt. Sed vel ex hoc vno, no-
 bilibus peculiari sibi nomine inuictum
 animi robur, & infractam fortitudi-
 nem vindicantibus, ab huiusmodi que-
 rimonijs temperandum est, quòd *inua-* Senec.
lidum omne naturâ querulum sit, proinde- 1. de
 que contemptui cum primis opportu- *Ira,*
 num. *cap. 13.*





CAP. VI.

RESPUBLICAS NUNC

*apud nostrates Gallos nullo prorsus
pacto condi posse.*



VLLVM mihi vel tenue
discrimen cum ingenij
Francorū intelligentibus
futurum esse sat scio; nimis
enim hactenus inter omnes diutinā tot
Regum serie, & suprà millesimum ver-
tentium imperij annorum prorogatio-
ne parendi studiosum & scientem, sed
vni dūtaxat adeò pertinaci studio fuis-
se constat, cæteræ vt monarchiæ Galli-
cam vetustate grauem & venerandam
vel longo interuallo sequantur, eique
per amplum præcellentis antegressio-
nis testimonium ferant. Sed vt perpe-
ram opinantibus & popolare dominiū
per hæc tempora non obscure vendi-
tantibus

tantibus aliquatenus medeamur, quasdam haud aspernandas monitiones hic signare constitui, quibus haud socorditer expensis voti minimè compotes fore se, & nihildùm ad subinanem illam quâ pascuntur, expectationem concitandam esse parati manifestè compèrient. Ordiar autem à notioribus, ab illo nempe gentico latiùs omnium auri-
bus insonante & inueterato obsequio, cuius longiùs exempla repeterem, ni-
foedum istud & inquinatum sæculum, cui prioris intemeratam virtutem spir-
râtia aliquot exemplaria redderet, per-
stante etiamnùm antiqua illa constan-
tiâ, quæ temporum lapsu neutiquam
potuit antiquari. Nam Clotarij, huius
nomēclaturæ secundi, qui ætatis quar-
to mense Rex consalutatus est, & vul-
ticulo necdùm plenè efformato, in cu-
nis infestas hostiû acies (quod de He-
cule Poëtæ fabulantur) proterruit, at-
que ad quadragesimum quartum vsque

Salust.
Catil.

annum, quo vitâ functus est, imperitavit præstabile specimen, Gallos sanctiori quodam officio suis Regibus addictos, nunquam de illorum magnitudine nisi diuinè cogitasse nimio perè coarguit. Et non quidem immeritò cum eorum patrocínio tot turbines euaserint, & tantæ maiestatis velut desuper detonantis terroribus procellæ caliginosæ, quoties in nubes densissimas aër coaluit, profligatæ sint, vt aduersum fortuitos & incessentes casus, atque ipsam immoderatam seruitudinem lenissimis istis moderatoribus, qui volentibus non inuitis dominantur, neque subditis quidquam præter iniuriæ, & pereundilicentiam eripiunt, prospectum sibi affatim exploratissimum habeant. Oræ verò positioni cœlique inclinationibus procliuitatem hanc in monarchas illorum fauorabili affluxu fotam, & ab ipsis regni primordijs coalitam, deferendam existimo: quod certè qui temperamen-

tum regionis nostræ à certo graduum numero cœlestis plage, cui subiaceamus, dimetietur, non poterit meo iudicio à meliori capite hanc gentis nostræ obduratam propensionem euocare: cum *Plur. Opusc.* grauissimus author tres Athenarum notabiles situs, trinam diuersamque regiminis formam mordicè expetiisse referat, quod tanta in vicinia non nisi climati ytique tribuendum est. Quo fit vt non ob aliud genus illud Democratici dominatus, quod insidioso libertatis apparatu pronuper non sine aliquo Monarchicæ potestatis rubore appetebatur, à Gallijs excluderem, quàm quòd *Cesar. Com. 3. & 4.* incolis ingènita rerum nouarum cupido, & decantata iam dudum in consilijs capiendis rebúsque trutinandis mobilitas, etiam perpauculos in commune vix sinat consulere. Obtrudet forsan aliquis, apud ostiorum Rheni accolàs, situ nobis, morum similitudine, & promiscuo Belgarum nomine cognatos &

conterminos, non incommodè huc vsque Democratix locata esse fundamenta, nec absurdè similia apud nos posse tentari. Sed vnum hoc opposuerim, communem illam & indiscriminatam olim toties nobis pariter ac illis exprobratam volubilitatē, naturā cœli Belgici qua magis ad Arctum vergit multoperè temperari: quendam enim actuosis animis velut torporem (venia sit dicto) algoris illuc nimium sæuientis foetum, ingenerat & inducit, qui sicut flexilis moderationis parens est, quā maximè popularis concordia procuratur, sic & alia bona ex eodem algido fonte, ab illo sæculo quo claritas apud alias gentes esse desijt, hinc edidit. Nam, ne torpedinem illam maleuolente genio nobilissimæ genti vitio dedisse insimuler, fatebor libentissimè, superiorem inferiorēque Germaniā huiusmodi in hac calamitosa Reipub. literariæ orbitate viros protulisse, qui

eruditorum omnium consensu Musarum alumni dicendi sint, eamque in scientijs venustioribus excolendis etiam curam admouent, vt perspicaciorum atque limato iudicio, quotquot in dies felici partu & effluxu prodeunt volumina, merito supponenda sint. Pergo porro nunc ad instituta, & vt vno telo quicquid ex aduerso obijci potest, configam & terebrem, ordinem nobilitatis, regiae potestatis deciduum florem, ac veluti singularem surculum, tantorum nominum quibus inclaruit auito nitore apud Gallos valentissimum, attentiore cura perlustro. Ab illo enim multis vaframentorum inuolucris meritam libertatis imaginem in noxam singularis imperij & regiae dominationis obtegentibus, mirae potissimaeque difficultates enascuntur, cum sagaciores nobilium, qui insulsis ratiunculis minimè ducuntur, non fugiat *Regem* Linus
hominem esse, a quo impetres ubi ius, ubi in- lib. 2.

iuria opus sit: esse gratiæ locum, esse beneficio, & irasci & ignoscere posse: inter amicū, atq; inimicum discrimen nosse. Leges è contrà Rerum publicarū rem surdam, inexorabile esse, salubriorem melioremque inopi, quàm potenti: nihil laxamenti nec veniæ habere, si modum excesseris: periculosum esse in tot humanis erroribus solā innocentia vivere. Pulchrè itidem, qui in illis mentis nobilitate atque corporis alijs præstant, norunt, Regi minimè indecorè se substerni, quem Deus cæteris omnibus prænitere voluerit, cuius limini obuersari & aspectu refoueri cùm libet assueti sunt. Antiqua etiam imperia maiestate quadam & religione commendari, quibus impia consilia confringuntur, vel rebelles in ipso insultu non diffitentur: atque in hoc Gallici orbis vetustiore iuxta ac honestiore famulatu Regis bello & pace propugnandi curam velut notam gentilitiam magnatibus, quòd infensius sibi quoduis aliud seruitium

fore prospicerent, & connexa commoda fortunâsque omnes in eius vnius anima collocatas intelligerent, fuisse antiquissimam, si tantillum veterum annales laborum repetierit, quilibet perspicuè deprehendat. Ad hæc quod caput rei est, cum omnibus altos spiritus gerentibus, submissioribus parere ob ingentem superbiam graue sit, *nescia tolerandi nobilitas* quocunque tandem post varias vicissitudines inclinarit, legitimo tantum obtemperabit domino, ne temerè & inscien- *Tacit. annal 3* ter reluctata, conseruo & contribuli, aut certè capite census & è fœce populari euectis hominibus demùm ministret, seruiat, obsequatur, atque errati non paruo scelere admissi eam subinde pudore suffusam non mediocri suppœniteat. Ecquis quæso tam cæcus animi est, ut de miserranda nobilium in Democratijs forte, & liberi modò sanguinis hominibus non ferenda dehonestamento

dubitet? quorum si fortè nonnullæ superfint reliquiæ contumeliosè (ne grauiori vtar vocabulo) tractantur, & inani ex facultatum amissione quiritatur ringentes multam ludunt operam, quæ satis habui delibare. Hæc igitur nobiles nostri viderint, & antiquum illud suum auorum decus certatim æmulentur, ne libertatem aliorum in suam vertisse seruitutem tandem incassum aliquando inter se conuerantur: siquidem effusum cursum in apertam natiui splendoris lituram tenent, qui speciosis æquè ac callidis veteratorum sermonibus causas armorum & popularis dominij struetium tantillum permouentur, nedum fidem adhibent, aut sua inconsultè factiosis studia, fronte vel mente deuouent & profitentur. Certè Democratiæ ferè omnes in summum perniciem nunquam non institutæ seuam in tyrannidem desinunt: quoniam Principibus etiam per vim amotis, magnates quamplu-

*Linium
lib. 2.*

quamplurimi opibus necessitudinibusque præpotentes supersunt, qui *tantum in Republica posse postulant, quantum habent virium*, legibusque prioribus solutos populos, & *magis sine domino, quam in libertate* otia degentes, iterum cruda adhuc manumissione non operosè subigunt. Vnde scitè admodum emonet Philosophus, corpus Reipublicæ non ex nobilibus, sed ex agricolis conflare, quos ad equalitatem redigere proclive est, popularèque regimen pari facilitate deprimi, quâ derepentè excitari. Illud accudendum, eò delirij misellos quosdam exulcerato rabie animo procurrere, ut regni nimiam diuturnitatem, quæ etiam ultra statutas metas ab huiusmodi computoribus processerit, causantes, vltima hæc illi instare tempora nænijs fanaticis ominibusque funestissimis malè præfagiāt & interpretentur. Quorum efferis sedandis & cōmitigandis æstibus commemorasse

Cicero.
lib. Ep.
ad Bru-
tum ep.
10.
Tacit.
anna. 2


Arist.
6. Pol.
cap. 4.
& 5.

sufficiat, quælibet imperia à Deo in Ecclesiæ incrementum & subsidium esse proculdubio stabilita: nec minùs illorum, quàm huius, cuius gloriæ ancillantur & seruiunt, fines humani ingenij perspicaciam latere: Francicum porro imperium ob egregiam præ alijs in Ecclesia propugnanda nauatam operam perennitatis primas tulisse, & præ cæteris à pietate ac peculiari diuini numinis ductu celebrari, cum non solum Reges nostri ritu inter inaugurationis solennia perpetuo, sacro delibuti sint oleo, quod iamdudùm ætatem vnà cum imperij insignibus cœlo fluxisse annales prisca non dubitanter attestantur; sed etiam strumarum curandarum vim mirificam, cuius apud omnes rumor increbuit, diuinitùs acceperint. Quocirca velut percussu (esto exenterentur improbi) vt nugatoriæ isti amentium diuinationi occurramus contrà asserendum est, malè ominata illa breui, vt vo-

lunt,desitura perpetuitate diuturnius,
& in dies magis ac magis efflorescens
portendi dominium , cùm nunc sub
Principe Ludouico XIII. moueat la-
certos,& præter spem omnium gran-
dæuitas regni quasi redintegrata iuen-
tute repubescat:siue hoc Deus Ecclesiæ
arctis iam olim rebus , quæ auxiliares
Reges nostros de more veteri exposcit,
tantam benignitatem indulgeat ; siue
quia regnum istud nobilissimum,cuius
eodem tenore fulgor per tot curricula
sæculorum edurat , inter illa præsagâ
mente à Daniele præmonstratum,quæ
Antichristo in anteambulationibus suis
grassanti obluſtari diuino placuit con-
silio,ad vsque mundi inclinationem &
deflexum protendi & propagare neces-
se sit. Gradatim itaque resipiscentes
malè sani desinant cuanida cogitata
quæ plurimas ac potentiores manus
poscunt,& in iocos hodie exeunt per-
petim contechnari.Innumera quippe,

cuniculis aut armis perpetuale hoc regnum tumidis factionum fluctibus immerfabile, omni tempore nutaturo & lapsuro perfimile, quod vlla tamen sine iactura sæpiusculè ad præceps accessit, appetentibus difficultates suboriuntur, nec vnquam facinorosus quantumcunque exoptatus illis ambitione perstrictis, syderatis, ex animi sententia continget exitus. Quinimò inaniloqui rabiosulas hascè voculas procaciter & temerè effutientes, solido hîc superstitibus fortassè nobis, & apud Manes suis ex insignitis, nobilibusque flagitijs perenni multabuntur infortunio; fabulosis illis qui etiam inferna regna transuersis animis prensauere, à quibus ipsi intercepti & prehensi sunt, heroibus accensiti.





CAP. VII.

LEGALIS VSVM IUSTITIÆ,

etiam non seruato communi iure, Monarchis in subditos subindè cōpetere.

DEVS reges imagines sui, quæ mundo prælucere, voluit esse, eisque potestatem amplissimam, quâ rebus mundanis præsumunt, quâque quantû sit eius numen facile colligitur, mortalium exæquatam captui vberimè transcripsit & contulit. Hoc autem in singulis effulget perspicuè, sed in gestis & facinoribus præcipuè, quæ regio nomine & iure præclarè edunt & obeunt: Cùm enim terrena iustitia à cœlica, velut primæus à trunco furculus oriatur, Dei velut moduli & prototypi æmuletur prouidentiam, cui vniuersalis machinæ & quorumuis principatum res-

pondet administratio. Quemadmodū verò, licet sibi Deus leges certas præfixerit, quibus iuxta imperatum naturæ ordinem lenissimè cuncta statuta & usitata, ut nostri Mystæ loquuntur, providentiâ moderatur, præter illas tamen insolenter ac præter morem operatur, quâ miracula patrat, quâ rebus periclitatibus, veris, sed miris, & exoticis modis opitulatur, unde stupor humanus & extases, quasi perturbato & emoto orbe exoriuntur: ita Monarchæ quibus hoc attemperatum est procurationis publicæ genus, utpotè quibus cœlestis imperij portio satis ampla concedita est, præter præfinitum aliquando & statum ius, quod ipsis authoribus & legislatoribus acceptum referri debet, multa dum subditorum bono consulunt ob easdem iuris rationes publicas, sed priuatas, sed latentes, & quæ mysterijs sacrorum cœlestium similes sint, sciscunt, imperant, exequuntur. Neque

tamen ea propter suas leges egrediuntur, aut legiupæ vocitandi sunt, cum nulla eis dicta sit lex, & à capite Reipublicæ, cui nemo, qui potestatis immunitæ sit, præsidet, primam omnes ducant originem. Quod si iam dudum legibus, sanctores earum, solutos esse percipit, vna principatus, cui circumscripiendo vniuersa conspirant, grauiorūque ei adiunctiori annexu rationum adhærentium gratiâ, id vsurpari manifestum est: cum quod ad lites & forenses controuersias, & priuatas facultates, iisdem singulari indulgentia legibus, quibus infimi sponte teneri non fastidiant. Non enim sanus quispiam abnuerit, æternam regni sui, & magis fortunarum populi sui quàm suarum salutem, legum conditoribus imprimis esse propositam, qui eius, quod sibi perpauillum obesset, aliquam haberi rationem neptiquam decernerent, primariumque statutum, ac potissimum

eorum consilium in continenda republica versari, utpotè, quo soluto vel sublato, miscentur omnia, & pariter quælibet rectè constituta corruunt. Hæsitantibus istuc documento sit, summum nempe illud ius & imperium, quod in subditorum caput & fortunas plenissimè reges obtinent, altum Dei omnimodè dominatum resipere, eandemq; quodammodò nuncupationem induere. Ex legali quippe iustitia regis potestati addicta, principi in privatorum res pro re nata ita competit, ut illi multò plus in eas pleniori earum mancipio, quàm peculiarium prædiorum regnatoribus liceat, in quos etiam pro iure dominatus amplissimi, vitæ necisque potestatem exercet ad libitum. Quæ ut inuenuitiori quàm par esset, at è superiori gymnasio, ubi limatè hæc expediuntur, petito stylo dilucidius aperiã, & quantum scriptionis huius fert contractio, paulò fusiùs reddam; Geminam
dari

dari apud homines iustitiam; etsi non obscurum est, proloquat: alteram particularem seu consuetam & vsitatâ, quæ certis sãctionibus, velut cancellis, quos procerum potestas illis præscripsit, vbi-que gentium, vbi vrbانيتati locus est, constringitur, cui in priuatis priuatarumque negotijs duntaxat locus est: generalem alteram seu communem, quæ quatenus vniuersalis virtus & latè patens est, omniumque virtutum actus & munia ad commune bonum ordinat ac dirigit, legalis indigitatur. Hæc autem cautione perapposita penes Respublicas & legiferos Reges est, vt his suo pte non extraneo subnixis præsidio illicò statim iuris praxim immutare, interpolare, & perfringere, sicubi res cõmunis postulauerit, integrum sit. Et enim euenit sæpissimè inflexibile quorundam facinorosorum perduellium priora scelera repetentium perueciã, contestata crebrius summi Dynastę ef-

fusum etiã parentis studium erga illos exhibentis beneuolentiã minimè superari, eũque latentium adhuc, sed quę ipsum non lateant, coniurationum formidine obtorpescenti similem in graues vsque adeò senticoso tramite compelli angustias, vt impendentis ruine mole quã ocysimè opprimendus foret, ni solennis ac contriti iuris, cuius imbecillitas, ingenti quòd nimia toleratione inualuit, malo percurando nõ sufficit, ancipiti periclitatione prætermissa, nouo quodam & austeriori more, luxuriantis sceleris, & defectiõnis proserpentis proteruiam compesceret, vltimãque detondente admota manu, velut refecatione retunderet. Verũ qui erectos illos animi motus, & istiusmodi elatas mentis notiones non capiunt, viriles indidem actiones emanantes, culpant vt plurimum & redarguunt, quia editiores virtutes à vitijs ob. confinium tenui adeò distant

limite, cùm *maledicus pro libero, temerarius pro forti, effusus pro copioso* identidem accipiat, ut vix politiæ peritis tam obscura discrimina ex omni parte pateant; patebunt verò si acroamata superioris Lycei non ignorauerint, quo vno hoc implicatum non pigebit explicare. Quodcumque res & subsidium (quod medium vocant) quod ad finem fert, à fine diductum & solitariè sumptum, non solum variâ quapiam adiacente circumstantiâ, sed intrinsecus malum est, & penitissimè fœdum, bonitatem finis non posse contrahere, qua ratione furto quæ in vsus pauperum deinceps erogentur subducta, eiusmodi benefica largitione nequeunt tantillum meliorescere: at è contra si medium, ut præmissi, seorsim spectatum indifferens sit, vel mobili aliqua, & vaga circumstantiâ mali rationem induat, finis, utique bonitati admisceri, & cum eo implicari potest. Etenim homicidium inter-

iectum quid est, & medium eiuscemodi, cui, nisi fortè privato mandato aut iniuriâ perpetratum sit, mali appellatio non quadrat, vnde si æqua de causa & regijs fiat auspicijs, iure censetur admissum, atque ob mutuam finis vim, iustis actionibus annumerandum venit. Assimiliter nonnulla id genus gratia facinora à Regibus indicta, quæ privatis & popularibus ingenijs quandoque videntur iniquissima, quamvis, si à rationibus quibus authores permouentur diuellas, præter fas & æquum sint, æquissima nihilominus & pernecessaria eorum iudicio, qui sublimi & potestati legalis iustitiæ, Principisque in subditos commensamenter præditi sunt, meritò dijudicantur, quòd coniuncta cum demandantis consilijs, & hoc mutuo nexu, velut iusto connubio deincta, rectissimè expendantur. Si quidem vtilitati publicæ moderatores arte & industria occultissima inuigilât,


& quicquid huiusmodi non priuati cō-
modi ; aut impotentis impetus gratiā
fufcipiunt , iuftum protinūs & legalis
æquitatis normæ consentaneum om-
ninò censendum eft. Et ne vana fugil-
ler profudiffe , Salomonis quorumuis
fapientum coryphæi ad exemplar pen-
dentes animi relegare vifum eft , qui ^{3. Reg.}
fratrem natu minorem Adoniam , po- ^{2.}
ftremæ patris vxoris Abifag nuptias
impenfius expetentem , indictâ causâ
curauit enecari : auentem imperij virū
hâc iterum regnum affectare viâ acutif-
simè conijciens, cui occupando, paren-
te etiamnū superftite , ferio fe com-
parauerat. Etſi verò fratricidio tempe-
randum eft , & quælibet ſacroſanctis
mandata paginis (vtpotè diuino geſta
monitu) neutiquam in exemplum trahi
deceat , ex eo tamen tale quid ſi caſus
arctior tetulerit , deſpecta gentilitate,
dum per eam periculo propius admo-
uetur præceps principatus, poſſe tenta-

3. Reg.
3.

ri non obscure colligitur. Porro tantū abest hoc facinus diuinam indignationem mouisse, vt mox Salomoni Dominus secundior ac beneuolentior in sōnis apparuerit, & ei quæcunque depostularet, impetrādi facultatē obtulerit, quā moderāter vsus admodum ingētis Rex animi, vnā haudquaquā cunctatus præoptauit sapientiam, cuius celso post id locorum in fastigiō sessitauit. Cætera & nos stylo tanti operis, quod radix mali in republica serpentis demetitur, æmulo rescamus, nam exilem hunc ad legalem æquitatem astruendam excursus factis penè similibus rancidum vsque ad fastidium refercirem, si intentione cura singula, quæ prophanorum notæ melioris authorum schedas excutientibus obuersantur, complecti ferret animus: verū ea constituto tramissi silentio, ne me censor argutulus in re arcana multiloquij traduceret. Valeant ergo qui superstitione anili sum-

mātes suis legibus, & circumscripto inferioribus iure, nullo prorsus pacto solutos volunt: & si quando huius exempli occurrant aliqua, querelas omnes de Principibus, quorum sub nomine diuina potentia improbatur, ac nefandis verbis concerpitur, & *quorum nemo* est, quem non grauis fama perstringat, vt dissentaneas æquo & bono amādare meminerint. Nostrium enim duntaxat est assiduissimè reputare, certum illis à Deo altius, & ferè cœleste iudicium, vnà cum laborioso populorum regimine tributum esse, & in his quæ maioris consilij sunt, vulgus imperitorum cæcutire.

Capitolinus in Marc. Antonio Philosopho



CAP. VIII.

IMMODICAM CLEMENTIAM.

*maximè in perduellionis reos meram
esse iniustitiam.*



I vnquam in Principes ali-
quâ conquestionum licen-
tiâ fas esset incurrere, op-
pido id in clementes fieri nimio plus
pertolerandum videretur. Dùm enim
exëplo pessimo benignitatis suę plus-
culum ostentui (ne dicam ostentatio-
ni) quàm subditorum quieti consulūt,
securiorem perfidiam faciunt, & inte-
stinis contentionibus luculentam ma-
teriam comministrant, quoniam si cle-
mentes esse voluerint, nunquam deerunt bella
ciuilia. Quamuis autem potentiores le-
nitudo cum primis condeceat, pensitã-
dum tamen est institutas à mundi opi-
fice fuisse dominationes, vt omnibus

Cicero
lib. Ep.
ad Bru-
tum ep
2.

ad

ad vnius obsequelam reuocatis, inferiores mutuas contradentes operas minore negotio concordarent, quorum Rex rationibus quantus, quantus est, aduigilaret, & tranquillitatem priuatis commodis anteponeret. Publicæ namque quieris summo cum imperio vindex supremus dictus est, qui subcustodū ministerio vicissatim creditos procuret populos, & pro liberis examet: cuius certè muneris salutarī securitate seclusa, vel tenuissimas partes exequi perquā magno constiterit, vt etiam me tacente nemini non est exploratū; cū ea sit quorumlibet nostri sæculi homunculorum peruersitas, quæ nullis queat monitionibus coerceri, ni acriora præsidia conglobatim comparentur. Vastiores verò prouinciæ nequissimorum colluione propterea nebulonū exuberant, quos cū ab vltimis perhiliū absint vitijs, nunquam turbarum tædium capit, proindeque, si ad earum

gubernacula sedentibus noxæ discauer-
re aliquantillum cordi sit , ad acerrimā
recti normam sese componant necesse
est, ne in vitium clementia excidat , &

Publ. veterem ferendo iniuriam , inuitent nouam.

Syrus

Min⁹

Isthinc emanat vt minimū, iuris ser-
uationem illam vsitati, quam aliās per-
opto perpetuam & perpetuam illibatā,
vna diræ necessitatis efflagitatione in-
terdū solui. Siquidem boni commu-
nis, hoc capitali, in quo nihil iniqui nō
inest, crimine contemerati, tam pon-
derosum est momentum, vt politica-
rum præceptionum, quarum tanquam
fulcris Dynastiæ sustinentur, vbiuis
gentium formatores, illud inultū per-
peti irreligiosum rati sint; ideo quod
nimia illec clemētia à iuris infractione
nomine ten⁹ discrepās, quā petulcis vi-
ris ac perditissimis paratior est venia,
exitiales tumultus remoliendi libidi-
nem incutit, rerūque summam in-
narrabili principis ac priuatorum dis-

pendio suffodere assolet. Neque tamen hæc inhumani ingenij, aut corrugati supercilij decreta dicenda sunt (ita enim iustitia & summum ius in crudelitatis partem cederet, quod omnifariam iniurium est) sed quoniam *si prohibita impune transcenderis, neque metus ultra, neque pudor est*, in profligatos homines, & maximè legitimi principatus osores, aut æmulos exempla insignita statuenda sunt, *ne obsit benignitas, & his ipsis quibus videbitur benignè fieri, & cæteris, quos etiã cum authoribus mansuetudo superuacanea sæpius infœlicitat.* Principes autem pernitiùm dissolutos & indulgētes ijs, qui aliquam præ se ferunt seueritatem peccare grauius, quamuis in vtrisque velut in extremis iniustitia delitescat, fidenter asseuero. Etenim cùm iniquitas in alterius nocumento versetur, & peccata proximum oblædendia grauiora censeantur, leuiori profectò noxa obstringitur, qui pauculo-

Tacit.
anna. 3.

Cicero,
offic. 1.

rum supplicio, multorum ad quos animaduersionis formido dimanat, improbitatem compescit. Contrà moderator lenissimus conniuendo ingentē perbacchandi illecebram impunitatis fiducia, consceleratissimis prouincialium sufficit & subministrat, quā non solum scelere veniā absterfo, idem patratorem lætitiā exultans in illud reuoluitur, sed & eius auspicata sorte quamplurimi lutulentam æquē vitam colentes occæcati, deformioribus etiā vitijs facilius immerguntur. Non secus atque caducam domum inualido adminiculo suffulcientes inquilinorum saluti nonnunquam officiunt; ædes quippe subsidentes ne admodum quidem excors incolere velit, sed cordatos vel maximè homines fallacibus earum, at speciosis fulcimentis præfidentes inopinus casus frequenter superobruit. Adde summatim illegalem istam iniustitiam, quam hæc maximè immo-

dica clementia præ se fert, magnatibus duntaxat peculiarem, immensam malorum, quibus regna labefactantur & col-
labascunt, struem inuehere. Nam vitium quod longè latèque diffunditur, istius-
modi est, quod primam ex publicæ uti-
litis contemptu ac citimam originē ducit, cuius despicientia charitatem vniuersam, quæ singulas virtutes per-
format, acriter oppugnans, vniuersis maleficijs patulam propandit viam, & quælibet meatum præbet: Vnde vitia quælibet quatenus communi aduer-
santur bono, iniustitiæ rationem obti-
nēt, ac si ex illius intima radice medul-
litus pullularent. Quocirca non teme-
rè est quod quantævis commendatio-
nis David rex, in ipso vitæ exitu (quo ^{3. Reg.}
tempore etiam sceleribus cumulatis- ^{2.}
mi, cruenti recordationē affectus pia-
culari delictorum pœnitentiâ conte-
runt) ultiones quasdam, seu potius ca-
stigationes legitimas, quibus sacramē-

to adactus ad hunc vsque diem tempe-
rauerat, Salomoni filio supremis tabu-
lis, velut deiurio solutus, studiosè de-
mandauerit. Haud dubia quippe conie-
ctatione præsenserat, necessariae ani-
maduerfionis intermissione cæcos tu-
multus horridis stragibus offerciendos
à perduellibus benigniùs habitis iterù
adornatum iri, quorum cogitatis nefa-
rijs à sapientiæ alumno iuxta parentis
monitum (quod ab altissima illa popu-
lorum salutis speculatione seiunctum
vix vllam satis idoneam expurgationē
admittit) cauta antegressione obuiam
itum, ne rei publicæ noxæ essent. Vbi
tanto exemplo fretus indicandum esse
reor, vltroneas Principum pollicita-
tiones etiam iureiurando confirmatas,
à sacramentis solennibus apud iudices
dictis, aut aliqua pactione expressis, nō
parùm dissidere. Cæterum perplexio-
ris huius circa testamentum Dauidi-
cum controuersiae, colluctantium ar-

gumentationum pugnacitate laborantibus, altiùs mihi enodatio repetenda est, atque à circumfusa caligine pro virium modo vindicanda. Quod præsto summam hoc vnum innuens, summam virtutes infimatum esse vitia, & è conuerso plerumque. Procerù enim sumptuosa magnificentia proluuij apud inferiores arguitur, quorum retrorsum ipsa liberalitas foeliciùs nummatus optimates dedecet, ac tenacitatis infamiâ commaculat. Nam cum virtus in morali mediocritate non physica collocata sit, quæ suapte natura latitudinem aliquâ rectæ & modulatæ rationis seruatricem obtinet, ac proinde mutabilis est, pro alio atque alio situ, & tanquam vario syderis, id est rationis, aspectu adaugetur & decrescit: vt in edacitate planum est, quæ si fortè ob aliquam corporis intemperiem, aut nativum calorem superfluentem manduconi cuidam & inexplibili viro, vt Mi-


loni Crotoniatæ inhæreat, nullâ prorsus ille labem sustinet: cùm tamen alteri itidem manduconi, qui cibis se multò minùs ingurgitauerit, detur vitio, cò quòd præeuntis naturæ & habitudinis ingenitæ modum quadantenus excesserit; id quod, quàm virtutes & vitia Principum ad amissim aliam ab eorum virtutibus & vitijs qui illis subsunt exigenda sint, satis ostendit. Quemadmodum enim æstus maris horsum & illorsum oberrans, variâ nascentis vel senescentis lunaris globi motione, quo cum arctissima illi æquè ac obscura intercedit cognatio, intumescit ac mitescit: ita prout alia atque alia est hominum conditio à dignitatibus, à diuitijs, ab artibus, & scientijs profecta, virtutū humanarum fit quædam mirabilis vicissitudo: nec magis variant fluctus aspectu Lunæ multiformi, quàm diuersa oritur ex multiplici forte hominum animi motuum commutatio. Nullus autem

autem altiùs effertur animus,quàm qui regius est , cùm non alio limite virtus Heroum terminetur,vt quorum nomine tùm historijs,tùm fabulis magnitudo animi regum celebratur.Horum verò authoritatis vim qui probè tenuerit , hæc parentis penè depositi ad filiũ mandata ab omni vel leuissimo crimine nedùm à vindictæ labe vindicabit. Non enim inficias ibit,quin à tam pio iustoque Rege nouissima,eaque in re adeò graui,præceptio,sit legalis iustitiæ quædam velut appendicula , cuius beneficio(etsi per leges alieni tantùm in disceptationibus sententiam ferre conceditur) Reges suopte ingenio à primis regnorum incunabulis sibi ius dicere,bella ritè indicare & cière,vt illatas luant iniurias,vel res repetant,continenter solent. Horrendum namque belli opus,& illa prædura iussa , de quibus iniecta est mentio , vlticis inter æquitatis species cenferi , vel apertiùs

Cicero
Offic. I.

nobis iniqui neutiquam diffitebuntur; quàm quidem variè ob discrepantia, quæ ad finem comparata sunt, subsidia, & infinitum potestatis discrimen Reges priuatique administrant, vnde quæ posteriorum gesta ultio sibi vindicat, si prioribus aptentur, ratio iustitiæ exornat & condecorat. Atque vt dictis ab inimitabili Latinitatis cultore aureis verbis pensum absoluam, *Iniustitiæ duo sunt genera, unum eorum qui inferunt; alterum eorum qui ab ijs quibus infertur, si possint, non propulsant iniuriam. Nam qui iniuste impetum in quempiam facit, aut irâ, aut aliqua perturbatione incitatus, is quasi manus violenter videtur afferre socio: qui autem non defendit nec obsistit, si potest, iniuriæ, tam est in vitio, quàm si parentes, aut amicos, aut patriam deferat. Quo maximè notantur reges, omnium enim qui omnia in regno sunt, vtpotè instar regnatricis animæ in corpore, bello aperto, diris etiâ clàm in caput insigniter malorum im-*

peratis facinoribus, iniurias propulsare debent, vt furunculi, prouincialiumque deterrimi, qui propalam à debiti muneris religione descuerunt, & quorsus res fluant, susque deque habent, vno velut impetu penitus profligantur. Ferendus quippe, aut obijciendus metus est, cum tantum contagij intra regni septa residet.



CAP. IX.

MAIESTATEM REGIAM

operosius tantillum deteri, quàm vel leuiter libatam penitus labefactari.



CTVRO de Monarchis multa nimis maiusculi sudoris ac spiritus, quæ capti exuperant meum, ad grauissimæ thesifontem ab imo pandendum de vnitatis ratione forent mihi prænarranda, à quibus industriæ meæ ner-

uis indubitans tempero, ne argumenti
vbertate, velut facilis & secundantis
auræ illectu in longinqua prouectus,
confragosis eiusdem argutijs opinan-
ter illidar. Subductis igitur inornatæ
orationis meę velis, quàm angusto ver-
borum ambitu effieri poterit, quæ ef-
fusiùs prosequenda essent, substringā,
totóque pectore, ne odiosa circuitione
in disquisitionis huius ductu stylus ad
superuacanea deerret prolabatúrve, cō-
curabo. Quod vt commodiùs pro re-
rum modo præstare valeam, ex ijs quæ
rationis & communis intelligentię pa-
trocinio tuta sunt, probationum stabi-
limenta comparabo; ne si fortè in lu-
brico figerentur, inclementi reclami-
tantium iactatione concussa ruinam
darent. Primum igitur omnium dixe-
ro, quotidianum & peruagatum vsum,
obtusiora vltimæ plebeculæ pectora
vsque superque quàm satis est, fixam
tenacissimámque rerum omnium com-

paginem edocuisse. Namque seclusis naturæ interpretum monitis, etiam cæcutientibus in promptu est, mundi mirificissimum opificem singularum rerum vnitatem, amentis irresolubilibus adeò inter se cõmisisse, vt mutuis quodammodò stent adminiculis, nec sine solida ipsarum rerum pernicie diuelli possint. Quo fit vt omnia quanta quanta sunt, incredibili concentu diuinitus effecto, ac velut instillato, dissociationi suæ occurrant, peculiarẽque statum, quo diuersa sunt à reliquis constantissimè tueantur. Si enim casu aliquo interscindi se tulerint, & secretionem admiserint, cùm alia ex alijs pertinaciter hæreant, quæ nexu mutuo conuoluerant diductis quibus sustentantur, corruent, nec ampliùs eadem circumiacentibus, quibus antea amiciebantur, destituta, eodẽmve robore redintegrari iura hiantis naturę sinent. Dynastiæ verò, quę velut rerum vniuersitatis cõ-

pendia, illarum faciem & statum adumbrare connituntur, haud multum ab hoc archetypi abludunt specimine, ictuque licet inualido impetitæ, itidē grauissima sortiuntur dispendia, & instar hiantis fabricæ primū diū nutāt, dein ruinosæ repentē collabuntur. Nimirum quia nihil in dominatu monarchico omnium nobilissimo (cū diuinum maximè referat) minutum adeo aut exiguum est, quod absque insigni decessione interuelli possit, & cuius maiestate perleuiter temerata, nō prorsus ipsam in abruptum monarchiam præcipitet: ideò quòd cumulatius absoluta ob varias suas rationes industriè concinnatas quouis turbine afflata procliuus disturbantur, vt liquet in affabre factis, & humano corpore, quod instrumentorum scatens copiā, innumeris inualetudinibus & casibus mancipatum est. Quocirca nocituris assultibus viriliter, & in ipso statim exortu,

obstandum, ac maturata occupatione
 teterrima iamiamque eruptura rebel-
 lantium destinata facinora anteuerte-
 re necessum est. Nam si princeps pote-
 statis suæ aciem, quâ vim tenet impe-
 rij, hebescere sustinuerit, frustrâ post-
 modum eandem in noxiosos retusam
 edicendo direxerit, qui *exemplò simul* *Linus*
lib. 34.
pares esse cœperint, superiores erunt: cû per-
 mediocri secundarum rerum proventu
 coniurationes inualescant, & pronum
 ad insequentia lapsum habituræ sint,
 vsquedum herentem regio vertici ho-
 norem quoquo pacto decusserint. Ve-
 rùm vt institutum acriùs vrgeam, sicut
faciliùs crescit dignitas, quàm incipit, ac mi- *Seneca*
ep. 101.
nus interualli à beato ad beatissimum restat,
quàm à misero ad beatum, & quælibet fusi- *Seneca*
ep. 92.
 lia igneo feruore liquefcentia rapidio-
 ri decursu, vbi semel diffluunt, peni-
 tûs dissoluuntur; quoniam præcõsum-
 matis iâ viribus, prima impugnâtis flâ-
 mæ colluctatione exinanita oblâguent,

nec alterum ei uidei incursum reuerberare valent: ita laboriosius primo accessu regij splendoris amplitudo aliquantillum libatur aut stringitur, quàm non nihil ad morsu fuditur excinditur. Ratio huius non alia melior, quàm quod regnis singulare sit, vnâ ferè principum famâ suffulciri, quæ, sicut cæteræ omnes nominis & existimationis species, in atomo & insectili posita est; unde concidit planè fides in posterum mercatorum qui semel foro cesserint, quia subtili admodum celebritatis filo suspensa dependet. Præterea populari persuasione plurimum mentibus inculcata (quæ nostro tamen optimè hæret instituto) semifacta censentur quibus bene habent initia, cum in omnibus nouis coniunctionibus interfit, qualis primus aditus sit, ideoque nouarum rerum molitores quantumuis instrenui, qui principibus exitiosa quæque incogitat, ubi quidpiam ipsis hætenus nihil ultra fremitum


Cicero,
lib. 13.
Ep. 10.

quibus bene habent initia, cum in omnibus nouis coniunctionibus interfit, qualis primus aditus sit, ideoque nouarum rerum molitores quantumuis instrenui, qui principibus exitiosa quæque incogitat, ubi quidpiam ipsis hætenus nihil ultra

fremitem

fremitem ausis commodulè ceciderit,
 totis mentis atque corporis viribus in-
 ardescences, elatiores ducunt spiritus,
 cum prout prima cesserunt, fore uniuersa cō- *Tacit.*
 fidant, tutiorique audentia spes suas vl- *in Agr.*
 teriùs iusto promouent, ac demùm, quod
 longè grauissimum est, ad exoptatum
 exitum perducunt. Sed dubitationis
 nodum Scipio Africanus iam olim dis-
 secuit, qui Antiochi regis legatis de-
 nunciauit *regum maiestatem difficiliùs ab* *Linus*
summo fastigio ad medium detrahi, quàm à *lib. 37.*
medijs ad ima præcipitari. Solent enim re-
 rum arduarum initia magis ardua esse
 quàm progressiones, & qui infausta ve-
 lut præsideratione suscepti operis of-
 fendunt in vestibulo, etiam in subse-
 quentibus corruent.

Dissertationes



CAP. X.

LUXARI IMPERIORVM

*cardines, si extra regium momentosa
alieni sint arbitrij.*

Tacit.
anna. 1



P V D reuera Principes *ea*
est imperandi ratio, ut non ali-
ter constet, quàm si uni redda-
tur : nam quò plus domina-
tiones ab vnitare, itidem & à monar-
chia in his præstantissima eò amplius
recedût, quæ prout eius authoritas plu-
ribus magis minúsve dispertitur, ita ad-
æquè in Democratiam vergit, & à le-
ctissimo diuini regiminis modulo ab-
solutissimam essentia monadem etiam
in vera personarum Triade referente,
tantundem abscedit. Vnde quamuis
omnes Dynastæ ad vnum, augustissi-
ma Dei simulachra sint, illi tamen qui-
bus solutior in temperanda republica,

& integrior facultas est, eius quàm maximè præbent speciem. Verùm nolim hæc eo sensu in deterius ab iniquis mihi trahi, quasi me consuasore (quod absit) quælibet summatibus repudianda essent consilia: tantùm enim abest huiusmodi paradoxa à me cudi & effingi, vt administros illis in quos immensum publicæ dignitatis pondus reclinent, omnesque suos angores trāsfundant, illis pernecessarios esse deputem, dummodò regnantis potissimùm arbitrio, non autem suo, deligi se, & rerum gubernaculis admoueri intelligant. Quapropter, ne regia potestas euanescat, & dominatus protelum frustillatim diffiliat, circa rationem cooptationis consiliariorū imprimis præcauto opus est; qui nisi arcanorum inspectionem principi, veluti precariam acceptam ferant, plus æquo de arcanis (vt experimentis deprehendere est) sibi vendicare solent, cùm vix pauci postre-

mas etiam munerum, ad quæ aditum impetrarunt, partes & legitimum modum norint. Quo fit, regna sæpenumero periculosis incommodis, quorum occulto incremento pedetentim statû in popularem desinunt, inclementer afflari, aut saltem luctuosis casibus grauius perturbari, quod Ephororû exemplo & inceptione satis edocemur. Siquidem illi in regum subsidium, vt ministri apud Lacedemonios, dirimendis primùm litibus præpositi, effrænata imperandi libidine magistratum tandem proprium Ephoriam instituerû: exactisque sæpius ciuitate regibus, eorum etiam nonnullos ineditâ causâ neci demisere: quam impotentissimam in rerum dominos tyrannidem indignatus Cleomenes rex, illos epulis accumbentes contrucidari iussit; posteroque die, deturbatis eorundem sedilibus, vnicum iuridicundo sibi reseruari curauit, vt *vnus reipublicæ corpus, vnius*

Tacit.
annal. 1

animo regendum esse apertiùs in vulgus indicaret. Nullo autem alio admonitu, vt imperiosiori magisterio modum statuunt, animique rectum tenorem seruent, talibus boni publici monitoribus opus esset, si cruenti huiusce facinoris cogitatio inexplebilibus eorum animis creberrimè recursaret. Illinc quippe colligerent quantum eis instet infortunij, quandocunque amplissimæ alienæ messi manus intendentes, ab officio quadantenùs resiliunt, nec premendam esse nimio perè Principum tolerantiam, quæ plerunque stimulo inconsultè laceßita fit furor implacabilis. Nam vtut sit factum rectum ab omni iniuria imperium custodire contendunt, nihilque mirandum est, permolestum ijs semper fuisse secum subiectos auctoritate exæquari, cum nec à parissimis regna communiter tractari posse Tatij regis cædes comprobet, quam consortis Romuli inductu per-

*Liuius
lib. 1.*

petratam fuisse, nulla irrogata sicariis
pœna perspicuè coarguit. Sed præter
damnosissima quæ præfati sumus incō-
moda, omnibus pernitiūm in hoc de-
plorando temporum articulo comper-
tum est, grauiora negotia pluribus con-
siliariis commēdata, illicò bis totidem
auribus, remissiori vocis concentu te-
meriter insufurrari, ideoque ad nihilū
recidere. Ad hæc discrepantes inter
tantos inoriuntur sententię, quæ vi-
tioso iuxta, ac inemendabili æmulatio-
nis concursu, æstuosius & vltra quàm
patitur decor, certam in regnorum de-
mocratiarūque perniciem inter se
collidi solent: Vnde quamuis Roma-
nis imperatoribus larga altissimorum
Senatorum esset copia, qui sedādis pri-
uatorum controuersis diem perpetem
conterebant, perpauculis tamen vt
Agrippā, Mœcenate, cæterisque primis
apud illos authoritatis & fidei viris, in
terrarum rectione utebantur, qui inte-

rioris consilij, in quo totius principatus cardo circúuoluitur, soli cōscij erāt.

Quo etiam nōmine Liuiam sagaciter Sallustius Crispus commonuit, *ne Tiberius vim principatus resolveret, cuncta ad senatum vocando*, quod deinceps tenaciter adeò Imperatoris fedit animo, ut principis animum nemini cognitum esse deberē censeret. *Tacit. anna. 8*
Dion. hist. lib. 57.



CAP. XI.

REGES SOPITOS, ET ALIUD

*agentes posse quidem; experrectos & per-
uigiles non posse à perduellib⁹ opprimi.*

DE annoso imperio, legitima longéque exporrecta Principum serie confirmato, sermonem instituo: quod præmonere in rem lectoris cedit, ne perplexabilis inscriptionis ambiguitate se ipsum méque inutiliter exagitet. Quã-

uis enim quotquot celsissimas sedes in populis obtinent, aduersus viri cuiusvis primarij rebellantis incursus, confluente ad eos vndique inferiorum, quibus aliquis officij hæret gustus, multitudine satis admodum circummuniuntur: qui tamen auitis potiuntur dominijs, etsi fortè maiorum moribus non respondeant, superioris ac commodioris conditionis censendi sunt: quia scilicet vetustate regna, & assueto, quod in naturam ferè trāsīt, obsequio tuta sunt, nec facilè collabefactantur. His delibatis haud quisquam diffitebitur, Regem sedulo sua munia obeūntē, & velut in procinctu perpetuo stantem, ægerrimè ab insensis opprimi: si quidem necdum factō coniurationum maturè occupandarum initio, quibus pertexendis plurimorum interiectus annorum vix aliquando sufficit, eas obtutu vnico subductis perpauillū supercilijs radicitus excutiet: cū Monarchæ

narchæ summâ succincti potentiâ, cui
semper & vbiq̃ue pretium est, quicquid
conantur aduersus erumpentes per-
duellium vomicas hoc exequantur, &
minimo tandem negotio contumaces
malè perdant, & tota velut regni mole
obruant. Nam coniurati sceleris con-
scientia lymphato metu perfusi, inopi-
na eatenus Regum incursione conster-
nantur, vt globus eorum malè fartus,
ad propulsanda quæ ipsis intenduntur
pericula, turmatim nequaquam possit
coalescere, ipsi verò tanquam fulmini-
bus impetiti, rigescētes hæreant, & ne
hisce quidem audeant, cū nullo ad-
uentantis Regiæ cateruæ odoramine
prænuccio, iam antequàm profense-
rint, obrepisse ipso facto comperiant.
Sic itidem nocturnis in conflictationi-
bus, quia *maior spes, maiorque animus infe-* *Linus*
rentis est vim, quàm arcentis ex composito *lib. 21.*
in incautos & improuisos irruentes
non rara manet victoria, cū terro-

M

rem condensæ tenebræ non mediocrē
 imparatis incutiant. Quòd si idem ipse
 Monarcha nimum indiligens, effusus
 in luxum vel otium indormiat, inimi-
 corum nūquam oscitantium consilijs,
 quorum perficiosæ consociationes
 præfestinatam cū tument, oppressio-
 nem desiderant, locum tandem oppor-
 tunum aperit : tunc quippe temporis
 suprema authoritate elanguescente, le-
 ges fileant necesse est, imperantisque
 despiciatio subditorum animos subeat,
 sine cuius præcursione mali nunquam
 Dynastiæ concidunt. Ex quo semper
 circa clarum magnūque nomen pro-
 uidis principibus prima curarum fuit,
 quia *magis famā, quā vi stare res suas ex*
Tacit. ann. 6 communi intellectu est, nihilque bel-
 licum aut politicum, quod ad aliquam
 frugem perducī queat, non in hanc ce-
 lebritatem, velut in rerum caput, indu-
 bitanter intendit. Validissimo demū
 huicce commentationi illustrandæ ar-

gumento sit, amplissimas ac munitissimas vrbes aperto Marte inexpugnabiles, inopina impressione sæpenumerò superari, & eadem quotidie inexperitis principibus, quæ ciuibus somniculose custodias agentibus pericula imminere. Absit tamen immodica illa Tiberij ex insidioso suo ingenio, proindeque meticuloso, aliorum animos spectantis anxietas, quâ perpendendis, minutiùs suspicionibus intabescens, *solus mæstam vigilantiam & malas curas* Tacit. *exercebat,* eaque duntaxat quæ difficultatibus prospiciendis, & statuendis remedijs idonea est, momentis singulis adhibeatur. Maxima enim quæque ambigua esse, & in lubrico versari, obuia nos infimarum rerum operositas non illiberaliter edocet, quorum persæpè fallente vestigio, adeptione excidimus, quia desultorio ingenio sunt, nec suum statum tenent. Ex quo, sagaci prænotione, velut experimento non-

nullo, leuiter hæc & illa prætentanda sunt, ne reluctantium turbâ, tanquam laqueis inexplicabilibus inuoluamur, & in ipsosmet authores præposterè meditata recidant.



CAP. XII.

ABNORMI ET FERME
caco subditos officio, regibus
mancipari.



NVLLA hîc mihi nisi pertransennam, ad omnem cauillationem declinandam, sacrorum mentio, ne alieniori ab instituto meo altercatione, cuius ponderi non sufficerem, submolestam & inuidiosam quæstionem addidisse insimuler: sed cùm intrâ meræ politices sepimenta considerare, aut ad summum circa cœlestis confinia dis-

ciplinæ versari nostri operis fuerit, susceptum argumentum ad hanc regulam arctiorem cætera silentiò præteruectus excutiam. Quanquam ad probè teneo, quantam in me ferocientium in dies, nouósque impetus resumentium monarchomachorum, qui pietatis & sanctimonix Catholicæ pessimè posuerunt initia, malcuolentiam concitem. Siquidem rebus & nominibus, vt famã peruersitatis faciant, vim afferentes, concertatorio eloquio, & ferè bellicû ad permiscenda omnia canente, execranda commenta fucò circumlita, ac ex vltimis Orci latebris arcessita, quæ facie liberioris fortis subblandiuntur, & proiectam loquendi licentiam produnt, subassentientibus multis, in venenati teli modum iaculantur. Quibus tamen nænijs infructuosam tantã proteruitatẽ effecerunt, ideò quod vtrumque Ecclesiæ columen, inconcussa terreno dominatui fulcimenta substrexerit,

1. Pet. 2

Rom.

13.

ac si regiꝝ quidquid ditioni detraxeris,
 diuino itidem obsequio citra dubita-
 tionem depereat. Toto igitur decurrant
 cœlo, qui inculcatam communi nun-
 quam interquiescente iure, subditis er-
 ga Reges obedientiam, Euangelicæ li-
 bertatis vnā peccati seruitutem im-
 pugnantis præconio, vacuas in auras
 difflari, inconsultè coniiciunt. Vt enim
 naturę dotes non tollit gratia, sed per-
 polit, sic eiusdem lex gratiæ Principū
 iussis refractarios diris deuouet, fide-
 lium consociatione, tanquam cœlo ex-
 torres eliminat, & irrogatæ inferiori-
 bus iure gentium obsequentię sedimē-
 ta per-solidat. Vnde modò non bonis &
 modestis, verum etiam dyscolis paren-
 dum esse, Principis Apostolorum edi-
 ctione inter prima cautum est, ne quo-
 cunque obtentu, ac plausibili nomine,
 in præpositorum sacrosanctum caput
 & reuerentiam, subditi impressionem
 dare attentarent. Quin & illud persan-

1. Pet. 2

Et omni asseueratione affirmarim, Catholicæ religionis cultum & disciplinam maximè præ cæteris prophanorû omnium & hæreticorum impuris ac deuijs institutis, principatuum rationibus conducere, cum certam sano tenuissimarum etiam rerum, & singulorum sensuum vsui legem fixerit, cuius ad vnguem vel ratiunculas, syncera exomologesi inconditos quosuis animi motus infrænante, pro tribunali pœnitentię subducere moris est, atq; apud eam duntaxat æqui, decoris, & officij accuratior obseruatio immensum peruigeat. E diuerso verò effrenes sectarum cateruæ gregales, implacidum genus, quibus donec vltimum traxerint spiritum, nunquam interquiescere insitum ac ingenitum est, quoniam inquieto tumore, quo obturgescit hæresis, totis distenduntur præcordijs, cuiusmodicunque principatus imperia respuunt, & præfracta in Monarchas

aggressionē Polyarchijs , aut potiùs Anarchijs adeò properanter inhiant, vt exigui cuiusvis mōramenti eos abundē pertædescat. Hæresis quippe mentis quēdam aberratio est , fanis mentem excutiens, caligantibus animis , atque in plurimos diductis recessus accommodatissima , quæ sensim infirmioribus illabens, ad planam in Præfectos contumaciam citato pede gradum protollit, quasi ab animo ad corpus, à Deo ad reges, instar pestis & cancri putrescentis hæresis omnes fœdatura leges proserpat, demùmque infernali barathro miserabiliter prædæ sit. Sed ne lōginquum euagando irretorto obliquo-ve oculo libelli huiusce obuias rationes obeuntes diutiùs demorer, defuetæ minùsque tritæ quæstiunculæ cardinem paucis dabo, qui neruosæ intrâ fines probationis potissimùm circumuertitur. Sicut enim cùm inclinante mundi ætate, flagitijs ad supremæ culmen

men nequitie homines vbique locorū
lasciuerent, frænandæ licentiæ in dies
erūpentis, & imperij regum magis fir-
mādi gratiā, leges olim inaudite quod
id tempora minùs exposcerent, à Deo,
toti orbi de obtemperacione vel sum-
mè malis exhibenda Principibus com-
paratę sunt, quas nondùm conscripse-
rat, quod primis mundi, incuntis tem-
poribus summa libertate, obedientia
ab omnibus præstaretur: ita cū in ea
nūc inciderimus tēpora, quæ subditis
frequenter ab officio desciscētibus, &
à patrijs natiuisque conditionibus fu-
gientibus, enormem pariter atque eru-
bescendam leuifidi & inobsequentis
hominum ingenij libidinem palām
ostendunt, augeri earum ipsarum legū
diuinarum intrā ipsas leges interpre-
tamentum debere, plenissimūque ac
propè cecum regijs mandatis obsequiū
in communi conseruitio adhibendum,
omnibus qui frugi fuerint, persuasum

fore mihi persuasissimum est. Quod magni interest ad principatus stabilimentum, ut sutelæ scelerosas coniurationes (quæ laruatis pristinæ integriorisque disciplinæ reuocandæ nominibus plerunque detorqueri solent) perpetuò recudentium, lippis, bardis ac rudibus dilucidius interpateant. Nam qui nihil titubando robur aliquod in iustissimo fecerunt officio, contritas nugiueudorum peruident præstigias, ducuntque despiciatui, ne despectui ipsi sint talium technarum conflatoribus, si his regio neglecto obsequio obsequantur.





CAP. XIII.

PREMENDA QVÆVIS

*in grauioribus administrandis re-
bus consilia.*



VONIAM stylo notissima
exigere superuacuum habeo,
exemplis potiùs quàm conge-
stis aceruatim rationibus, propo-
sitam euentum adiuuabo, nec aliùs in il-
lud descendam, non enim ambigi po-
test *taciturnitatem optimum ac tutissimum* Valer. Max. lib. 2. cap. 1.
administrandarum rerum vinculum esse, &
negotiorum cuiusmodicunque fortu-
natos exitus perindè atque *animum mirè* Plin. lib. 9. ep. 36.
ali silentio, quod euagantes linguas gar-
rulitate compressa, validissimis retina-
culis impedit. Huius autè sedulus cul-
tor præ omnibus Iulius Cæsar extitit, Sueton. in Cæs. cap. 60
qui inconscijs semper commilitonibus
meditata contrahens certamina, hostes

antequàm procurrens rumusculus eorum castra peruaderet, multoties edomuit: nec inferiore studio ad conuellendum Reipublicæ statum, quasi aliud ageret, senatus arcana expiscatus est; cum alterum Consulem & Tribunorum violentissimum ingenti opulentasset pecuniâ, quorum administerio ad sublime maiestatis imperatoris fastigium, aditum sibi exiguo morarum processu patentissimum præsignauit. Quod si primarij illi & præpotentes viri ad Papyrij Prætextati exemplum (qui peradolescens à genitore in senatum ductus, faceta calliditate immodicam matris circa deliberata percontationem elusit) reticenda Senatusconsulta optimè continuissent, Romanæ forsan reuerentiam Reipublicæ incredibili subsecutarum calamitatum, & probrosè contracti dedecoris compendio collapsam, in aliquot sæculorum vices gloriosissimè propagassent. Nostre ve-

*Sueton
in Cas.
cap. 29*

*Gelli
lib. 1.
cap. 23*

rò tempestate Henricus ille Magnus Francorum Rex inuictissimus, Heroicarum omnium virtutum, vtpotè celebrioribus ipsis Heroibus germanissimus, æternum exemplar (cuius prolixiori in me immerentem beneuolentiæ nihil non debeo) parili obticentiâ, & planè Cæsareâ in expeditionibus, quibus hæreditarium regnum armorû tonitru & fulmine, fulmè ipse belli reposcebat celeritate, hostes sæpiùs repentina & inopina impressione, strenuè præter exemplum inuiolato semper ingentis & ingenitæ clementiæ nitore, profligauit & occupauit; is tamen & tantus nihiloplus (proh scelus) inauditâ illâ regiarû virtutû præstatiâ euincere potuit, quomin' nefanda clementiæ, quâ vbique instar odoris exhalauerat, remetiendæ ac remunerandæ vicissitudine, incautus à furiato suprâ fidem trifurcifero, ferina feralique inclementia, insidiosissimè atque indignissimè

occupatus sit. Quo tanto nobis imposito vulnere, perculsæ Galliæ liquida indeclinabilis excidij indicia fatebantur, cum vndique vetustissimi structura imperij hiantes rimas ageret, & plurimi alienas opes depilandi cupidinem speciosis offuciarum generibus, quorū iam Gallos omnes satias tenet ac pertæsum est, nequicquam prætexerent. Verūm incredibili Dei benignitate, (quam nunquam demersis & attritis Franciæ Dynastiæ rebus denegatam esse constat, & hocce præsertim temporum articulo sancti Ludouici precibus, in nepotum, piæque & fortis sobolis gratiam, in singulos dies luculentius sapida gustatione experimur) sordidæ huiusmodi, & sæuiore nimbo breui sordidādas funeribus vestes portendente, turgidæ nubes conscissæ & fugatæ sunt, proindeque puram tandē in lucem emerimus. Sanè portentosi execrandique facinoris commemora-

tione, quòd immanissimi cuiusvis animi commiseratione transdigeret, schedas funestare impensius exhorreo.

At priuatum mœrorem fractæ menti singulis momentis incurfantem dissimulare quî poteram? cùm mihi ex ista paucissimarum linearum exaratione, ijs quorum in manus nostra hæc qualis qualis scriptio inciderit, animi mei sensa contestante, aliquod leuamen accederet, nullumque illustrius exemplum, aut susceptæ probationi accomodatius in medium vocari posset.





CAP. XIV.

F O E L I C I T A T E M R E G N I

*constare posse, si consiliarij Principis
duntaxat philosophentur.*



A est monarchicæ sollicitu-
dinis immensitas, vt quot-
quot ab omni vetustate fue-
runt, etiam prænitentis perspicientiæ
Principes, administratos sibi ad prensan-
da consilia semper aliquot delegerint,
in quos prægravis sarcinæ maximam
partem reponerent, cùm probissimè
tenerent, quemuis vnum etsi laborio-
sissimum, tanta sub curarum mole, cui
plures alternantes sociatis laboribus
pares forent, ruiturum, eúmque qui de sua
vnius sententia omnia gerat, superbum esse
magis quàm sapientem, & neminem esse tam
circumspectum, cuius non diligentia aliquando
sibi excidat. Quia verò formidabilis ne-
gotiorum

*Liuius
lib. 44.*

*Seneca
3. de I-
ra, cap.
14.*

gotiorum congeries, & voluptatum illecebræ, Principes ut plurimum à rebus gerendis auocant, omniumque ferè ponderosiorum munerum procuratio penes consiliarios subsidet, certis maximè temporibus, horum potiùs mentem quàm Principum philosophicis institutis formari, maximè consentaneum est, ut sublimium cognitione madidi & imbuti, terrena inferioris ordinis lautè & equali animo, suū cuique tribuentes accurent. *Ideoque melius*

est unum malum pati, quàm multos, & melior est Respublica, & propè tutior, in qua Princeps malus est, (addo & rudis) eā in qua sunt amici Principis, mali (& rudes.) Siquidem unus malus potest à plurimis bonis corrigi, multi autem mali non possunt ab uno, quamvis bono ulla ratione superari. Quò etiam directè spectat Marci Antonij Philosophi & Imperatoris sententia:

Æquius esse censentis, ut tot & talium amicorum, quibus bellicas & ciuiles res

*Lam--
prid.in
Seneca.*

*Capit.
in M.
Anto-*

nio Phi
losoph.

impertiebat, consilium sequeretur, quàm ut
tot & tales amici suam unius voluntatem
sequerentur. Platonem nobilissimum
philosophum ab ista longè omninò
abesse sententia compertum habeo, ne-
que extremi ingenij esse (cuiusmodi
meum est) eminentissimo oblectari,

plinius
lib. I.
ep. 20.

Rectius tamen arbitror in tanta re, ratione
quàm authoritate superari, quamvis id ip-
sum perputatè, & iam olim à gravissi-
mis viris effusiùs excussè rationes con-
suadere videntur, quas ne chartulis re-
dundantia illeuisse manifestariâ itera-
tione coarguar, missas facio, ut eò cele-
riùs proximæ Dissertationi aduolem,
eiusque probationem adurgeam.



CAP. XV.

NUNQUAM FERE PV-

pillaria regna, quamuis flagitijs con-
taminatissima, à Deo disturbari.



VE MA D MODVM ter-
rena regna à Deo in cultus
& honoris sui amplificatio-
nem instituta, pietate potis-

simùm, quæ cæteras virtutes confouet,
solidantur: ita peccatorum aggestu di-
uinam excandescentiam prouocant, &
pro commerita noxia tandem aliquan-
do plectuntur, iuxta prophetica effata:

Ecce oculi Domini super regnum peccans, & Amos
conteram illud à facie terra. Non tamen 9.
quæuis flagitiorum licet per ampla col-
luies, regnis euerfionis & excidij so-
lidam causam contrahit, sed expleta il-
la, & consummata nequitia, singulis re-
gnis & hominibus ad postremam casti-

Matth.

23.

gationem promerendam præstituta; cuius meminit Saluator mundi, Pharisæis quæ in ipsum admissuri essent facinora ad mensuram patrum suorum implendam, & maioribus homicidijs ac sceleribus cumulandam, amabiliter prænunciâs: ideoque cùm Deus præ cæteris omnibus dominationibus, Iudaicam Rempublicam deamasset, in plurimis eius delictis perdiù conuivere clementer voluit, populique sui excidium eatenus protulit, quoad salutis auctore cruci discessis manibus suffixo, peccatorum omnium quæ excogitari possunt, grauissimum atrocissimo vesaniæ genere perpetrasset. Quamuis autem plurima regna ad hunc immediabilem limitem, qui prosternendis illis, ac spiritu diuino difflandis præfinitus est, deuio tramite processerint, pupillorum certè Regû innocentia (quæ Deo semper in leniorem sententiam propendente, innumerabilibus subdi-

torum delictis præpōderat) in aliquod
tempus debitæ vbertim animaduerfio-
ni subducuntur, ne pater orphanorum *Pſalm.*
Deus, qui per ſacratum vatem ſolenni- *67.*
ter edixit, *pupillum & viduam nolite con-* *Ierem.*
tristare, neque opprimatis iniquè, æquiſſimi *22.*
mandati, cum nonnulla conſuetæ mi-
ſericordiæ, & immenſæ poteſtatis ſuæ
extenuatione immemor eſſe videatur.
Elucent enim imprimis in pupillarium
Dynſtiarum tuitione, valentiſſimæ
numinis eius vires, cum inualidis, ac
veluti torpentibus infantium dextris
aduerſus infeſtas & turbulentas proce-
rum indigenarum conſociationes, ac
procelloſas infimæ plebis ſiniſtris ru-
moribus illuſæ reciprocationes, ſcep-
tra teneri ſtringique iubet, vno vt plu-
rimùm matrum æquè imbellium ſubſi-
dio, quibus curatorum vicem deman-
dare ſæpiuſculè vſitatum eſt. Sic inſon-
tes accipiunt benedictionem à Domino, & *Pſalm.*
miſericordiam à Deo ſalutari ſuo, qui infirma *23.*

1. Co- mundi eligit, ut confundat fortia : pupillum-
 rimb. 1 que & viduam suscipit, ut duo ista nomina
 Psalm in quantum despectui humano, in tantum di-
 145. uina misericordiae exposita esse iustâ pateat
 Tertul notitiâ. Quôcirca nobis persuasum esse
 lian. l. 1. debet, in priuatorum negotiis Dei cō-
 ad v- cessu humanam prudentiam non inu-
 xorem. tilem esse, sicut & in publicis, & ad reg-
 norum perennitatem spectantibus re-
 bus parum valet : utpotè quorum sibi
 sub pupillis maximè Regibus, regimen
 atque administrationem Deus vindi-
 cavit.





CAP. XVI.

EXTREMIS REBUS

supremoque obnoxijis discrimini, Principis iniussu, ex re sapius esse consulendum.



AMETSI cuncta Principis arbitrio (quoad licet) statuenda, vnámque regum dominatu deuinctis obtemperationis gloriam relictam esse non me præterit, ita graues casus nihilominus intercedere quotidiano, nimiumque familiari periculo, compertum est, quibus administri temporis, ingruentisque cladis angustijs coarctati, vix queunt occurrere, ni, quando *in rebus asperis & tenuibus fortissima* *Lin. lib. 25.* *quaque consilia tutissima sunt, ipso quidem illo inconsulto, e cuius nutu renutuque omnia pendere par esset, cum re, pro re*

nata, & in ipsa, vt aiunt, arena, animo præsentissimo gnauiter consilium fumant. Patens quippe arduo cuius hostium facinori præpanderetur aditus, pessiméque cum ijs ageretur, quibus demandatæ prouinciæ vel munia publica permissa sunt, si quoties momentosa instarent negotia Principis longo, vt sæpè fit, tractu dissiti, mens esset exquirenda. Dùm enim varia causando moras innecterent, eiúsque madata manerent, quoquouersùm perduelles irrumperent, rémque publicam pessundarent, cum *ex distantibus terrarum spatijs consilia post res afferantur*. Quin & aliquid oculatæ summatum perspicientiæ, & ministrorum captui decederet, si certis adeò mandatis illi, quibus præuio solertiæ specimine arcanorum sensuum curatio concredita est, coangustarentur, vt nec eis tantillùm de suo promere liceret. Quamuis autem huicce effato specie tenus, primulâque

Tacit.

hist. 1.

lâque inspectione, quæpiam aliquantulum refragari videantur, vtpotè quòd iussa duntaxat in serijs capeſſenda ſint, & ad præſcriptum implenda, neque ſibi æquò plus ſaſtidioſo ſupercilio arrogandum; longè plura tamen in aduerſam cedunt partem, quæ impreſſione non modica, vel in ancipiti poſitum inflectere, indubitanter eualerent. Ipſo quippe incentore genio, ingens vltimùmque neceſſitatis telum, *quod in bello maximè ante rationem eſt*, acciſis conſciatisque rebus, dum datur, contorquendum eſt, & graſſantium impetus oggraſſatione retundendus: cùmque moras extrema recuſent, *ubi incumbit neceſſitas non diù diſputandum eſt, ſed celerimè & fortiter dimicandum*, & vt in diſcordijs ciuilibus, *facto magis quàm conſulto opus eſt*. Summa quoque ratio quæ ſapientibus pro neceſſitate eſt, còtemperationis admodum tenaces, ſuique compotes ſæpenuerò compulit: ſuoſte ſiquidem

Curt.
lib. 7.

Thuc.
cid. lib.

4.
Tacit.
hiſt. 1.

Plin.
ep. 1.

Senec.
ep. 71.

acumine altissima quæque illatebrata
peruadit, omnibusque hinc inde libra-
tis, quæ debiles animos nonnihil in-
certarent, speciosis condecensibusque
posthabitis, vtilia, necessaria, & tutiora
consilia legit, quæ velut à vulgari re-
mota iudicio, reptantibus proserpen-
tibusque ingenijs, quibus nullus ad hæc
adyta aditus, minimè comprobantur,
præsertim quòd *magno animo de magnis
rebus iudicandum est, alioqui videbitur illo-
rum* (Principum seu Regum) *esse vitium
quod nostrum est.* Sic & *ἡμετέρα*, quæ equi-
tas, summa ratio, summique iuris mo-
deratio perhibetur, in hoc præsertim
posita est, vt verbis legis & imperij præ-
termiſſis, vnum illud quod iustitiæ ra-
tio, & communis deposcit vtilitas, pē-
ficulatè concuret. Cùm etenim huma-
norum actuum superior quædam &
nullis legibus conclusa regula sit, quâ
sublimis illa & regia iustitia dirigitur,
rerum coagmenta non solum, & com-

missuras pertentare contendit ; sed & earum terebrat penetralia , omnesque ab imo rationes eruit , & solertissimè expiscatur. Nonnulla præterea ita nata sunt, vt iuxta Sexti Pompeij oraculum *Facere oportebat id, nec mihi præiudicare Plut. in Antonio* (à cuius scopo, meo consilio quilibet probus deflexerit) patranda sint potius quàm absona & intempestiua efflagitatione exoranda. Non enim virgenda est modesta Principis reticentia, eique à consilijs interioribus assidētium, qui sæpè decore quodam, variisque rerum euentibus, vel aliqua id genus nimia circumspectione inhibiti, cunctaque exuberantissima ingenij perspicacis luce præformidantes, imperijs compluribus, ne dispalescant, abstinēt, quorum iniussa postmodum confectione lætantur. Sed vbi primùm ex adumbratis antecessionibus mens eorum, quæ facile rerum progressionē colligitur, generatim innotescit, aut illud ipsum quod silent tacitis ambagibus, intelli-

Plin.
ep. 3.

Tacit.
ann. 15.


Tacit.
hist. 4.

Dionys
Halic.
lib. 2.

gitur, dura adpetentē noxa neutiquam
apertiora præstolanda sunt : quinimò
cū vſu conſtet ſecunda Dynaſtis ,
quæque è re illorum ſunt , plurimū
allubeſcere, fidemque in præſentia , eos qui
reſiſtit, offendere , deinde illis ipsis ſuſpici
& laudari, quælibet vel dubioſum exi-
tum portendentia , nulla prolatatione
interpoſita , erecto fidentique animo,
qui in elatiora quæque fauſto conami-
ne eniti poteſt, audēda ſunt. Multa enim
experiendo liquet conſieri, quæ ſegnibus ardua
videntur, illiſque perpauillū auspica-
tis, cætera res ipſa , & fortuna Romana
expediat. Deum itidem fortioribus adeſſe,
iuſtāque procurſantibus in prælia , non
minimū opitulari ſatis ſupérque ipſi
vſu exploratum eſt, quo (ſi ſic effari li-
cuerit) quaſi ex æqui bonique legibus
adigitur : quoniam fortitudo Charita-
tis æmula , & velut altera forma vir-
tutum, quas ad unam poſſeſſoribus fruſtuo-
ſas efficit, authori ſummo, cui & à forti-

tudine arrisit nuncupatio, ingrata esse non potest. Præterquàm quòd eorum, qui debitis erga Sacra, Regem & Patriâ, officijs ducti veræ insudant fortitudini, Deus iugiter votis affuit. Cùm enim eius res agi videatur quodammodò, accendit proculdubiò, & mouet eorum animos, qui illam promouent, atque adeò eius dictis planissimè obaudientes, nulla quocunque res cadant, detrectât discrimina, sed vltima audêtes intrepidè præbent se fato, fata autem viâ *Consi-*
inuenient, cui etiam vtplurimùm, con- *liū cui*
silia quibus agglomeratis vndique in- *impar*
genij viribus impares sunt, non ægrè *erat fa-*
permittunt, quanta eos pœna & igno- *to per-*
minia maneat conscij, qui cum damno *misit.*
publico propriâ inertia, languidiori- *Taci.*
búsque consilijs contracto, resarciêdo *ann.6*
non sint, maiorum patritum splendo-
rem, miserandâque posterum sortem
ignauo facinore propolluunt. Quoniâ
verò à gloria Principis, labecula quæ-

uis amouenda est, ne illidentibus tantæ Maieſtati, genuinum obloquentium probris eius fama noménque pateſcat, ſi mandata inuidioſa dederit ſponte præuertenda ſunt, vt nullo ipſius iuſſu penes inſtrumenta imperij acerbitas facti & inuidia ſit: quæ æquo adeò animo abſque declinatione ſubeunda ſunt, vt illa planè deſpondeant, eiſque lubètes inhæreſcant, ne ſuperiori poſſint impingi. Ea enim lege reconditarum imperij rationum conſortes nobiliſſimo famulatu mancipantur, vt ſimul atque regibus, quibus omnia debemus, ſubſeruire occeperint, vix illis deinceps vlla vitæ ratio habenda ſit: ideò crebra inter pericula nullis auerſatis verſari, magnatum vices etiam in leuiculis gerentibus ſolenne eſt: quæ quidem vt notiora, omniũque nuſquam non ſub oculis poſita, ſtylo minùs indigent. Cæterũ Poſthumij Manlijque Torquati duræ animaduerſiones in fi-

lios, qui tamen audaculis in hostes ausis haudquaquam, iis fusis, fausta audaciæ forte, exciderant, contextu hæc nunc perpetuo affatim constabilitis, minime gentium officiunt. Patres quippe, iidemque Romanorum ductores exercituum, quos æquum erat consulere, publico aderant cum imperio, cumque *percunte obsequio, etiam imperium in-* Tacit. *tercidat,* & disciplina militaris exole- hist. 1. cat, ad coercendam pravi moris gliscētem licentiam raro acrioris disciplinæ exemplo opus erat, quo projecta Ducum autoritas, velut ultione recreata reuiresceret. Effrenis ille namque & solutus singularis cōfertive incundi certaminis impetus præsertim in liberis.  altitriciori officio deuinctis, toleratu difficilis erat, & permagni reipublicæ interesse videbatur. Quod si exemplis agendum est, cæteris quibuscumque insimul singulare Ionathæ non absimile fa- 1. Reg. cinus, cuius memoriam nullus vnquā 13.

dies expunxerit, vberrimè præponderat; quando nullibidum sacratæ chartæ censoriam illi notam inussère. Bina demùm extremo probationum agmini Tulliana monita, quæ puram putã politicã disciplinam olent, Planco Brutóq; summis olim imperatoribus suggesta, infigendo penitissimè aculeo deditã operã reposui: nedùm enim fluitantes animos repetitis ictibus impetunt, vehementiùsque interpretunt, sed etiam quemuis iniectum scrupulum, plusquã fatis est, eximunt, vt ipsamet ponderosa verba inauratis meritò notulis exaranda, non obscurè significant. *Tu, quã-*

Cicero
Planco
lib. 10.
ep. 7.

quam consilio non eges, vel abundas potiùs, tamen hoc animo esse debes, vt nihil huc reicias, nève in rebus tam subitis, tam angustis, a senatu consilium petendum putes. Ipse tibi sis senatus, quocunque te ratio Reipublicæ ducet, sequare. Cures vt ante factum aliquod à te egregium, audiamus quàm futurum putauerimus: Illud tibi promitto, quicquid à te erit factum,

factum, id senatum non modò ut fideliter, sed etiam ut sapienter factum comprobaturum.

Meminisse te velim, ut ne in libertate & salute populi Romani conseruanda, auctoritatem senatus expectes nondum liberi. Voluntas senatus pro auctoritate haberi debet, cum auctoritas impeditur metu. Nullo publico consilio Rempublicam liberaſti, quo est etiam res illa maior & clarior. Ad omnia ita paratus atque animatus esse debes, non ut nihil facias nisi iussus, sed ut ea geras, quæ ab omnibus summa cum admiratione laudentur.

Cicero
Bruto,
lib. II.
ep. 7.

**Omnia Romanæ Ecclesiæ iudicio
submissa sunt.**





INDEX CAPITVM.

VANITVDINIS & κενοδοξίας
penuriâ ambitionem creari. pagina 5.

*Extrarios honores & aduentitios, etiam ab
appetentioribus fama prorsus omninò per-
despuendos. pag. 13.*

*Omnium rerum obtentum, præterquàm debiti
officij, longissimè ab humanis actionibus ef-
sc relegandum. pag. 20.*

*Erumpentes tumultus armis non vsquequâ-
que comprimendos. pag. 28.*

*Gallicanos tumultus, illiterata & inculta
nobilitatis vitio & operâ præcipuè conci-
tari. pag. 32.*

*Respublicas nunc apud nostrates Gallos nul-
lo prorsus pacto condi posse. pag. 40.*

*Legalis vsum iustitiæ, etiam non seruato com-
muni iure, Monarchis in subditos subinde
competere. pag. 53.*

INDEX CAPIT.

- Immodicam clementiam maximè in. perduel-*
lionis reos, meram esse injustitiam. pag. 64.
- Maiestatem regiam operosius tantillum dete-*
ri, quàm vel leuiter libatam penitus labe-
factari. pag. 75.
- Luxari imperiorum cardines, si extra regiũ*
momentosa alieni sint arbitrij. pag. 82.
- Reges sopitos, & aliud agentes posse quidem;*
experrectos & peruigiles non posse à per-
duellibus opprimi. pag. 87.
- Abnormi & fermè caco subditos officio, re-*
gibus mancipari. pag. 92.
- Premenda quauis in grauioribus administrã-*
dis rebus consilia. pag. 99.
- Fælicitatem regni constare posse, si consiliarij*
Principis duntaxat philosophentur. p. 104
- Nunquam ferè pupillaria regna, quamuis*
flagitijs contaminatissima, à Deo distur-
bari. pag. 107.
- Extremis rebus supremoque obnoxijis discrimi-*
mini, Principis iniussu, ex re sapius esse
consultendum. pag. 111.

F I N I S.



